



## ROBERTO GEERMAN

mas e' un locutor, pa hopi un gran amigo







# AZV a sugerí cambionan cu lo baha su gastonan cu mas di 53 miyon florin den 2022

**PA** algun tempo caba ta papia di reforma e sistema di seguro general AZV. El a bira mas necesario ora cu Hulanda, debi na préstamo a causa di e pandemia di COVID, a exigi pa reduci e gastonan aki cu 60 miyon florin pa aña.

A cuminsa haci e preparacionnan y ya caba tin un set di sugerencia haci na Gobierno y pa cual AZV a duna un presentacion den Parlamento dialuna mainta. A base di e sugerencianan aki p’e aña’ki, si introduci e sugerencianan aki dia prome di april awor, e lo logra reduci gastonan cu 53.3 miyon florin. Asina mes no a yega ainda n’e cifra cu Hulanda ta pidi.

Despues di 34 aña di existencia ta bay reforma pa garantisa AZV, ir. Edwin Jacobs, Director di SVb y AZV a bisa den un conferencia di prensa. Conforme e decision di Consejo di Minister di Reino dia 15 di mei 2020 pa reduci gastonan di AZV, OE AZV tin e tarea pa cumpli cu esaki. OE AZV a defini e reduccion di gastonan mediante e ‘5 Wave Model’ cu ta encera: 1) Cambionan den e pakete di beneficio; 2) Promocion di eficiencia den sector di cuido medico y 3) A diseña diferente otro instrumentonan pa cumpli.

Awe OE AZV ta informa aseguradonan di e cambionan principal cu ta na caminda den 2022 y cualnan ta pendiente fecha di introduccion asina cu e legislacion keda adapta.

E cambionan principal pa loke ta remedi:

- Aporte propio na Botica, 2 florin pa remedi. Fecha di inicio ta tentativamente 1 di april 2022. E ciudadano lo tin un aporte propio di 2 florin pa cada remedi. Esaki ta nifica cu ora dokter receta por ehempel tres remedi, e pashent mester paga 3 x 2 florin cu ta 6 florin n’e botica pa ricibi e remedinan.
- Varios remedi a bira categoria over the counter “Den transcurso di ultimo añanan varios remedi a bira categoria “OTC” (Over The Counter) cual ta remedinan specialmente pa cuido y higiena propio. Esaki ta nifica cu bo por haya e remedinan aki sin receta di dokter. Facil, liher, segun bo deseo y na prijs razonabel. Por ehempel Paracetamol of Dica. Esaki no ta wordo cubri mas door di AZV,” Edwin Jacobs a splica.

• Remedinan prescribi cu no ta wordo cubri Tin cierto remedi prescribi (receta di dokter) cu no ta wordo cubri mas dor di AZV. Bo botica ta cobra pa e remedi y tambe por cobra un suma pa servicio.

Riba e website di AZV por mira henter e lista di remedi cu ta cay bou e cambio aki.

- Remedinan cu awor lo cay bou di cierto criterio AZV ta cubri e remedinan aki na momento cu nan ta cumpli n’e criterio stipula. P.e. si e remedi wordo prescribi dor di e dunador di cuido cu ta permiti (conforme palabracion cu AZV) pa prescribi esaki. Bo dokter ta indica riba e receta si e remedi por wordo cubri.

E cambio principal pa loke ta Spoed Eisende Hulp (SEH):

- Un aporte propio di 15 florin pa cada bishita na Spoed Eisende Hulp (Sala di Emergencia) di Dokter Horacio Oduber Hospital. E resto di e gastonan di e tratamento AZV ta cubri pa bo.
- Fecha di inicio ta pendiente e cambio di Ley AZV den transcurso di 2022.

E cambio principal pa loke ta Laboratorio:

- Un aporte propio di 1 florin pa cada test cu ta wordo haci na laboratorio. Esaki ta nifica cu por ehempel si dokter receta 2 test na laboratorio, bo lo tin cu paga 2 x 1 florin = 2 florin n’e laboratorio p’e test. E resto di e gastonan OE AZV ta cubri pa bo.
- Fecha di inicio ta pendiente e cambio di Ley AZV den transcurso di 2022.

E cambio principal pa loke ta Huisartsen Post (HAP):

- Un aporte propio di 15 florin pa cada consulta na Dokter na Warda (Huisartsen Post, esta HAP) na Dokter Horacio E. Oduber Hospital. Ta corda cada asegurado cu semper tin e orarionan di oficina (den dia) pa acudi cerca e propio dokter di cas. Den caso cu bira malo pafo di orarionan di e propio dokter di cas, por acudi desde 6or di atardi n’e Huisartsen Post (HAP) na Dokter Horacio Oduber Hospital. Na HAP bo ta paga 15 florin p’e consulta. E resto di gastonan AZV ta cubri pa bo. Fecha di inicio ta pendiente e cambio di Ley AZV den transcurso di 2022.

E cambio principal pa loke ta Especialista Medico:

- Un aporte propio di 5 florin pa cada consulta cerca bo especialista medico. Esaki ta nifica cu na cada consulta (bishita) cerca bo medico especialista bo ta paga 5 florin direct n’e especialista medico prome cu bo wordo atendi. E resto di e gastonan di e consulta AZV ta cubri pa bo. Fecha di inicio ta pendiente e cambio di Ley AZV den transcurso di 2022.



# Momento a yega pa ciudadano rico of pober tin cu paga pa remedi

**AYERA** Director di AZV, ir. Edwin Jacobs, a presenta oficialmente e medidanan di recorte cu gabinete Wever Croes I y II a ofrece na Gobierno Hulandes pa reduci gastonan den sector medico.

Notabel di e presentacion aki tabata e intento di Gobierno MEP-RAIZ di saca e anuncio aki for di e esfera politico y asina a permiti e Director di AZV mes anuncia e gran plan cu ta carga e nomber di “ban reforma pa garantis” cu realmente ta mesun plan presenta un aña pasa pa Prome Minister Evelyn Wever Croes.

E hecho cu Director Jacobs a presenta e recortenan aki, no ta nifica cu nan ta haci menos dolor, of cu e influencia politico den esaki, ta cambia ya cu den pasado ta propio ex Secretario di Asunto di Reino, Raymond Knops, a asegura cu e plan di reduccion riba remedi y den sector medico, a nace pa medio di un plan di Prome Minister di Aruba.

En realidad e concepto presenta no ta haci e problema financiero di pueblo menos, al contrario y lo ser confronta awor, den un tempo cu e pobernan a bira mas pober y e riconan a bira mas rico, e ciudadano cu kisas ainda no a recupera su trabou y entrada pre-pandemia, tin cu lidia cu e medidanan aki.

Analizando e medidanan riba remedi y otro servicionan cu AZV ta brinda, sin duda lo tin su efecto financiero y hasta por bisa influencia riba salud di pensionadonan, nos hendenan grandi, caminda tin un grupo grandi cu ta bibando di un pensioen masha modera mes sin mucho espacio pa tin e luho di paga un florin extra aki of 15 florin extra pa un otro servicio.

Ata aki e medidanan cu Director ir. Edwin Jacobs a presenta ayera den nomber di AZV:

## CAMBIONAN RIBA REMEDI

E cambionan principal pa loke ta remedi:

- Aporte propio na botica riba remedi prescribi, tur hende tin cu paga 2 florin pa remedi. E fecha di inicio ta tentativamente prome

di april 2022. E ciudadano lo tin un aporte propio, dus for di su carter, di 2 florin pa cada remedi cu e tin cu busca na botica. Esaki ta nifica cu ora dokter receta por ehempel tres remedi, e ciudadano tin cu 3 x 2 florin ta 6 florin na e botica pa ricibi e remedinan.

- Varios remedi ta bira categoria ‘over the counter.’ Den transcurso di ultimo añanan varios remedi a bira categoria “OTC” cu ta ‘Over The Counter’ cual ta remedinan specialmente pa cuido y higiena propio. Esaki ta nifica cu bo por haya e remedinan aki sin receta di dokter, facil y lihe, segun bo deseo y na prijs razonabel. Por ehempel Paracetamol of Dica y esaki no ta wordo cubri mas door di AZV, pues tin cu paga pa esaki di awor en adelante.

- Remedinan prescribi cu no ta wordo cubri y aki tin cierto remedi prescribi, esta receta di dokter, cu no ta wordo cubri mas dor di AZV. Bo botica ta cobra pa e remedi y na mes momento e botica ta cobra un suma pa duna e servicio. Riba e website di AZV por mira henter e lista di remedi cu ta cay bou e cambio aki.

- Remedinan cu awor lo cay bou di cierto criterio y aki AZV ta cubri e remedinan aki na momento cu nan ta cumpli na e criterio stipula. Por ehempel si e remedi wordo prescribi dor di e dunado di cuido cu ta permiti, conforme palabracion cu AZV, pa prescribi esaki. Bo dokter ta indica riba e receta si e remedi por wordo cubri of no sino e ciudadano tin cu paga pa esaki y tambe pa e servicio di botica.

En realidad di e asunto aki, ta cu e lo bay influencia grandi riba un grupo grandi di ciudadanonan cu no ta gosa di un bon entrada, di suficiente entrada y hendenan cu malesanan cronico lo bay haya nan mes den situacionnan financiero ainda mas delicado.

Esaki ta medida cu Prome Minister a dicidi di cancela na luna di maart 2021 pa evita cu e lo pone cu su partido lo perde voto, pero awor e medida aki tog ta drenta na vigor.



# Director di AZV Ir. Edwin Jacobs, **Apesar di reforma di AZV ainda Gobierno lo mester duna un contribucion**

**TUR** e reformanan cu ta tuma lugar e aña'ki ta pa garantiza e seguro medico AZV, cu ta uno masha importante pa pueblo di Aruba. AZV a drenta na vigor na aña 2001 pa brinda un mihor aceso y di forma igual pa tur ciudadano aki na Aruba. E situacion na Aruba e tempo ey tabata uno unda e poblacion tabata pasa duro ora cu malesa bati na porta. Algun hende tabata bon para cu un seguro medico propio, otro tabatin uno pa medio di nan trabou, otro no tabatin nada of mester a keda satisfecho cu e servicio medico pa medio di e asina yama 'ppk-kaart' (=e carchi di Gobierno).

A wak un solucion den e pensamiento cu mester yuda e ciudadano ora e haya un malesa. E idea di AZV a wordo apoya y a tuma hopi aña p'e preparacion 'practico', esta cu mester a para keto na con ta bay realmente introduci e ley AZV.

Entrada di AZV a brinda hopi mas tratamiento na pueblo di Aruba manera: Ampliacion di oncología y di gynecologia, a introduci dokter pa rehabilitacion, di pulmon, infectiologonan, dokternan specialisa den cuido di hende grandi, nefrologonan (specialista di malesanan di riñon), a habri e Departamento di Reumatologia na hospital y a introduci di specialista di stoma, tripa y higrá.

"A wordo comproba cu dor di AZV nos hendenan ta haya nan tratamiento medico, ta biba mas largo y ta ricibi cuido paliativo ora ta den ultimo fase. Asina mes cu bin cambio, AZV ta keda un joya unico pa apoya e asegurado ora malesa bati na porta," ir. Edwin Jacobs a bisa den e prome conferencia di aña di AZV. For di 2020 ya caba a cuminsa haci algun adaptacion pa baha e gastonan

di AZV y a logra bahe cu 35.4 miyon florin y na 2021, den pleno pandemia, a logra baha e gastonan cu 36.0 miyon. Pa 2022 mester corta e gastonan cu 60 miyon florin.

"Un tarea inmensamente grandi y dificil. AZV hunto cu Gobierno mester mira con ta bay logra esaki," e director di AZV a bisa.

A identifica diferente area unda lo por baha gasto y yega mas cerca di e suma di 60 miyon cu Hulanda ta exigi cu mester baha den gastonan medico.

Aña 2019 tabata uno hopi bon pa fondo di AZV cu entradanan a aumenta di ta forma cu a surpasa e gastonan pa cual pais Aruba no mester a duna contribucion na AZV despues di hopi aña. Pero cu e pandemia den 2020 e situacion a empeora economicamente cu a baha e entradanan di prima y BAZV, mientras cu gastonan a aumenta un poco. Gastonan a baha dor di e recortenan, pero asina mes gastonan tabata 4 miyon den 2020. Gobierno mester a duna un contribucion di 99.7 miyon florin n'e fondo.

Pa 2021 e proyeccion ta muestra cu Gobierno mester duna un contribucion di un poco mas cu 58 miyon florin, mientras cu a presupuesta 94.5 miyon. E hecho cu e contribucion mester ta menos di loke a pensa ta debi cu e crecimiento economico tabata mas fuerte di loke a spera y e gastonan a keda den e cuadro proyecta.

Pa 2022 si no implementa e sugerencianan, pais Aruba mester duna un contribucion di 64,2 miyon florin. Entradanan lo crece, pero e gastonan den cuido lo ta aumentando, si no aplica e sugerencianan. Aworaki ta proyecta un contribucion di un poco mas cu 11 miyon florin cu introduccion di e cambionan.



Introduccion propio ta encera 15 florin pa uzo di emergencia na hospital of e dokternan di Huisartsen Post; 2 florin pa cada remedi receta; 1 florin pa testnan di laboratorio y consulta medico cerca specialista 5 florin. Esakinan hunto lo trece un entrada di rond di 4 miyon florin.

Mirando esaki, Gobierno di su banda ta trahando riba un Plan pa Compensa esnan mas vulnerabel den comunidad, kendenan lo no por cumpli cu e contribucion propio aki.

Otro cambionan cu a sugeri ta pa analisa e tarifanan di testnan di laboratorio. E tarifanan aki tin hopi tempo sin cambia. Edwin Jacobs a splica cu tin testnan a bira mas simpel y mas barata cu avancen, y tog nan nan tarifa no a baha; mientras cu tin otro tarifanan cu mester subi. Tur esaki lo bay papia riba nan cu e stakeholdernan.

Un decision importante ta cu lo bay tene un destaho publico p'e servicio medico na Colombia. Cu esaki lo kier haya prijs mas atractivo p'e servicionan cu ta busca na Colombia.

Tur e proposicionnan aki, mas adaptacion di e lista di remedinan cu lo wordo cubri y cualnan no, mester cana e canalnan necesario. Ta spera cu Parlamento por trata e ley di cambio aki p'e drenta na vigor dia prome di april awor.

"Escogencianan mester wordo haci. Escogencia ta dirigi pa evita di limita aceso na servicio ... p'esey ta pidi un contribucion. No ta pidi contribucion p'e dokter di prome linea. E aceso n'esaki mester ta completamente liber," ir. Edwin Jacobs a enfatisa.



# Ta busca un Alto Comisario pa tres aña

**DIALUNA** mainta Minister di Husticia, Rocco Tjon a anuncia apertura di vacatura p'e puesto di Alto Comisario di Cuerpo Policial di Aruba. Manera ta conoci, na momento cu Rocco Tjon a bira Minister di Husticia, su esposa Vanessa Kock mester a hala un banda, ya cu esaki ta trece conflicto di interes cu ne. Di e forma aki e propio Minister a sacrifica un academico, Vanessa Kock, kende hasta ta prome cu Rocco Tjon a bin den funcion di Polis.

E mandatario a splica cu tin proyecto importante den ehecucion of cu mester bay wordo ehecuta, pa cual ta necesario cu tin un persona den e puesto aki pa carga e trabou aki. Un di e trabounan aki t'e transformacion di e Opleiding di Polis pa un Academia di Husticia.

P'esey ta importante pa tin un Korpschef cu lo duna contenido n'e proyectonan aki. AWEMainta tin cu señala cu Vanessa Kock lo no bolbe como Alto Comisario mas. Andrew Hoo, despues di a ser manda pa Cuerpo di Bombero awor a bay pa dirigi Departamento di Imigracion manteniendo salario di schaal 16 + 25% opslaag

Segun Minister Rocco Tjon, e nombramento ta pa un duracion di tres aña.

Tur persona cu ta cumpli cu e rekisitonan por solicita. E solicitud ta habri te cu dia 10 di februari awor y ta wordo evalua dor di Directornan Recurso Humano y Departamentonan di Husticia. E persona mester pasa diferente test (medico, psicologico y di antecedente) y e mester tin sea un HBO of WO opleiding.

Ministerio di Husticia ta trahando riba un Plan di Maneho di varios aña, especificamente riba e parti di maneho. Tin un plataforma di Reino entre e diferente e cuerpo di e diferente islanan Hulandes y lo pidi ayudo tecnico p'esaki.

Na mesun momento Minister Tjon a bisa cu ta trahando riba un plan caba pa mehora e infraestructura y cu lo bay uza e edificio di ex Codemsa pa pone diferente departamento di husticia hunto. Ta yega na mihor condicion di trabou p'e personal y no ta bay ta reduciendo e cantidad di edificacion cu ta huur.





## Fresco Tur Dia





**HABRI TUR DIA DI 6:00AM-6:00PM**

**YAMA NOS: 5821915**

**Guyabastraat #4  
Dakota**



# Mester tin 15 florin pa haya ayudo na Spoed Eisende Hulp y 15 florin pa specialista

**IMPRESIONANTE** e “overhaul’ cu Director di AZV a presenta ayera mainta pa loke ta reduccion di gasto den cuido medico caminda despues di hopi lidiamento, pueblo a wordo informa kico ta spera nan pa loke ta cuido medico di awor en adelante.

Kitando un “krenchi aki y un krenchi aya” AZV riba peticion di Gobierno, tin cu introduci e recortenan aki den cuido medico, pero cu na final di dia, ta pueblo lo wordo confronta cu mas medida y sin duda menos placa den su cartera.

Tur dia y principalmente den fin di siman, ‘Spoed Eisende Hulp’ cu den boca di pueblo semper tabata conoci como “Eerste Hulp of Poli”, awor ta bay bira cu no por cana kibra eynan y wordo atendi sin cu mester paga algo.

Ciudadanonan cu sea ta sinti malo di un malesa of curazon, sea a cay y sufri lesion serio of un persona involvi den un accidente di trafico, tin cu paga 15 florin ora cu e wordo trata na SEH aki y riba dje segun e informacion duna ayera mainta pa Director di AZV, ir. Edwin Jacobs, si e ciudadano tin cu wordo atendi pa un of otro specialista, e tin cu paga tambe e suma di 15 florin.

Cu otro palabra e bishita urgente aki na Spoed Eisende Hulp lo por bira un bishita di 30 florin y loke Director di AZV no a aclaria ayera, ta si e pashent tin cu paga prome cu e wordo atendi of ta despues e lo wordo cobra e sumanan aki.

No solamente pa casonan urgente, pero hendenan cu no por bishita nan dokter di cas despues di cierto ora of den

fin di siman y lo tin cu bay hospital pa wordo atende pa HAP, cu ta nifica e “Huisartsen Post” cu e dokter na warda, e tin cu paga aki tambe e suma di 15 florin pa consulta.

Pues den fin di siman of den oranan di anochi e persona sinti malo bay pa wordo yuda na HAP, e tin cu paga 15 florin y e dia siguiente e por bay su dokter di cas caminda te ainda en no tin cu paga pa consulta.

## CAMBIONAN DI URGENCIA

Cambio principal pa Spoed Eisende Hulp (SEH):

- Un pashent tin cu paga for di su saco e suma di 15 florin pa cada bishita na Spoed Eisende Hulp (Sala di Emergencia) di Dokter Horacio Oduber Hospital. E resto di e gastonan di e tratamento AZV ta cubri pa bo.
- E fecha cu e cambio di ley AZV aki ta drenta na vigor den transcurso di 2022.

Pa loke ta cambio principal pa haya servicio na ta Laboratorio:

- Un aporte propio di 1 florin pa cada test cu ta wordo haci na laboratorio e pashent tin cu paga y esaki ta nifica cu por ehempel si dokter receta 2 test na laboratorio, e pashent tin cu paga 2 x 1 florin = 2 florin na e laboratorio ora cu e haya su testnan y e resto di e gastonan OE AZV ta cubri pa bo.
- Fecha di inicio ta pendiente e cambio di Ley AZV den transcurso di 2022.

E cambionan principal cu lo ta servicio na Huisartsen Post (HAP):

- Aki tambe e pashent lo tin cu duna un aporte propio di 15 florin for di su cartera pa cada consulta na Dokter na Warda (Huisartsen Post, esta HAP) na Dokter Horacio Oduber Hospital. Ta corda cada asegurado cu semper tin e orarionan di oficina (den dia) pa acudi cerca e propio dokter di cas. Den caso cu bira malo pafo di orarionan di e propio dokter di cas, por acudi desde 6’or di atardi na e Huisartsen Post (HAP) na Dokter Horacio Oduber Hospital. Na HAP bo ta paga 15 florin pa e consulta. E resto di gastonan AZV ta cubri pa bo.
  - Fecha di inicio ta pendiente e cambio di Ley AZV den transcurso di 2022.
- Pa loke e cambio principal pa loke ta ayudo si specialista Medico:
- Tur hende cu wordo atendi pa un specialsita tin cu paga e suma di di 5 florin pa cada consulta cerca bo specialista medico. Esaki ta nifica cu na cada consulta (bishita) cerca bo specialista medico bo ta paga 5 florin direct na e specialista medico prome cu bo wordo atendi. E resto di e gastonan di e consulta AZV ta cubri pa bo.
  - Fecha di inicio ta pendiente e cambio di Ley AZV den transcurso di 2022.

Tin cu pone bon atencion na loke e comunitado di AZV ta muestra riba servicio di specialista medico, esta cu un pashent tin cu paga 5 florin na e specialista medico PROME cu e por wordo atendi pa e specialista.



### SABA (Verpleeghuiszorg Aruba)

Voor de nieuwe Divisie Training & Development SABA zijn we op zoek naar een

#### Trainingscoördinator (lokaal)

De ‘Training Coördinator lokaal’ coördineert en bewaakt de activiteiten gerelateerd aan de opleidingstrajecten en inwerkprocessen van (nieuwe) stagiaires afkomstig van het eiland. Ook ben je samen met het hoofd van Training & Development verantwoordelijk voor een goede planning van opfriscursussen en nieuwe kwalificatietrainingen, op zodanige wijze dat te allen tijde wordt voldaan aan de eisen m.b.t. een verpleeghuis. Op de werkvloer dient men altijd bevoegd en bekwaam te handelen.

Je bent dus verantwoordelijk voor een aansluiting en afstemming, op niveau, tussen opleiding en praktijk. Dit geldt voor alle afdelingen, binnen SABA, met als doel het leveren van kwalitatief goede dienstverlening op het gebied van training, cursussen en praktijkondersteuning van vraag aan opleiding. Je rapporteert aan het Hoofd Training & Development.

**VEREISTEN:**

- Het zelfstandig kunnen aansturen van het opleidings- en inwerkproces van stagiaires (LBO/MBO) en begeleiders; zorgdragen voor inwerk-schema’s.
- Begeleiden, beoordelen, bewaken en bevorderen van ‘on-the-job’ trajecten.
- Opzetten en uitwerken van planning & beheer van (verplichte) herhaal-trainingen.
- Zorgdragen voor specialistische en gecertificeerde trainingen.
- Rapporteren en feedback geven, ten behoeve van opleiding- en stagebeleid.
- Registratie van trainingen en coördinatie met personeelszaken.
- Het samen met de ‘coördinator Facilitaire Dienst’ zorgdragen voor het opzetten en beheren van trainingsruimten, inclusief de Skills Lab.

**ACHTERGROND:**

- Een afgeronde MBO/HBO opleiding met ervaring op het gebied van stagebegeleiding binnen de sector zorg en welzijn, met kwalificatieniveau 4 of 5.
- Ervaring met werkbegeleiding en administratie; ervaring met lesgeven is een vereiste.
- Uitstekende organisatorische, didactische en communicatieve vaardigheden.
- Goede kennis van MS Word, Excel en Outlook.
- Als trainingscoördinator houdt je jezelf op de hoogte van de laatste ontwikkelingen op het gebied van lokale wet- en regelgeving, en houdt het management team daarvan op de hoogte.

Je bent werkt zelfstandig, maar bent een uitstekende teamspeler en leider. Je bent stressbestendig en hebt kennis van conflictantering. Je hebt uitgebreide kennis van, en ervaring met, de stagemarkt en opleidingsmogelijkheden op het eiland. Je hebt affiniteit met een ziekenhuis- of verpleeghuisomgeving.

**GEINTERESSEERD?**

Stuur ons je redenen om te solliciteren in een [motivatiebrief](#), en je [Curriculum Vitae](#), naar e-mail: [ishara.fluonia@sabaruba.org](mailto:ishara.fluonia@sabaruba.org) t.a.v. Mevr. I. Fluonia, HR manager. Je hoort dan zo snel mogelijk van ons. Een Curriculum Vitae zonder motivatiebrief worden niet behandeld.

**Uiterste sollicitatiedatum: donderdag 17 februari 2022.**





Segun Miguel Mansur

## Raad van Advies a conseha pa Landsverordening Instelling Ministeries 2022 wordo revisa den su totalidad!

**GABINETE** Wever-Croes II recientemente a somete na Parlamento su propuesta di cambianan den e LIM. Mescos cu pueblo en general, Raad van Advies tabatin hopi remarca cuestionando no solamente e logica di e reparticion, pero tambe especificamente e decision di sinta cu 8 Ministro. Nan ta critica cu na Aruba cada cuatro aña tin cambio den e LIM y nan ta argumenta cu esaki no ta contribui na continuidad di maneho. Nan ta pidi pa hancra e LIM pa un periodo mas largo (algo inclui den plan di partido di Accion21) y determina e reparticion di Ministerio a base di balans, concordancia y preferiblemente unicamente 7, segun Miguel Mansur.

Nan ta argumenta cu tin tres Ministerio bao di e proposicion actual cu responsabilidad pa unicamente 3% di e presupuesto nacional. Mirando esaki ta dificil hustifica 8 Ministerio especialmente considerando e situacion financiero dificil y e pandemia cu ainda no a caba. Tambe nan ta lamenta cu e reparticion no a sigui e Landspakket mas di cerca p'asina mehora su implementacion. RvA ta te hasta bisa cu e balans entre e Ministerionan t'asina malo cu e lo por perhudica estabilidad di Gobierno, lider di Accion21 a sigui comenta.

No tin ningun principio pa un Ministro mete den cartera di otro cu excepcion di Prome Ministro kende ta responsabel pa unidad di maneho. Riba e base ey nan ta cuestiona move integridad pa un Ministro cu no ta MinPres. Por ehempel tanto MinPres como MinHus lo mester pidi Director di Veiligheidsdienst Aruba autoridad

pa comparti informacion cu MinTINO. E acuerdo recientemente firma entre Eagle LNG y WEB ta muestra cu RAIZ su deseo di traha horizontal a keda na palabra so, necesitando un mihor distribucion di cartera.

Raad van Advies ta argumenta cu un organo independiente di consulta y conseho crea pa constitucion di Aruba NUNCA mester ta parti di un acuerdo di coalicion. Pesey nan ta des-recomenda pase S.E.R. fo'i bao MinPres pa Ministro di Economia. Entre otro nan ta argumenta cu no tin suficiente splicacion pakico cuido pa salud mental a pasa di Ministerio di Salud pa asuntonan social y ta cuestiona si no lo tabata mihor pasa cuido di adiccion enbes. RvA ta argumenta cu cuido pa salud mental y cuido pa anciano ta mihor agrupa cu Ministerio di Salud.

Relacion entre e carteranan di MinTINO ta keda completamente obscuro pa RvA. Transporte ta mas relaciona cu economia y/of turismo. Naturalesa ta mas relaciona cu infraestructura y planificacion territorial. Cuido di anciano lo ta mihor sirbi bao salubridad of asuntonan social. E Ministerio di Educacion y Deporte su splicacion tabata breve y sin contenido real segun RvA y nan ta pidi debido splicacion. Tambe nan ta nota cu Fundacion Lotto pa Deporte no ta cay bao di e Ministerio y no tin claridad bao cua Ministerio e ta cay. Energia lo ta mihor agrupa cu economia y desaroyo sostenibel. RvA tambe

ta recomenda pasa turismo pa Ministerio di Economia manera, algo cu semper tabata asina mirando cu e ta representa por lo menos 90% di nos economia. Cultura lo ta mihor agrupa cu educacion y Gobierno no ta duna splicacion suficiente pakico actualmente e ta cu finansa. Si nan ta argumenta cu e companianan estatal y semi-estatal lo ta mihor bao Ministerio di Finansa cu posibilidad di duna mandato na otro Ministro pa maneho specifico.

Lamentabel cu nos ta mira e coalicion actual hisa y pone Ministerio segun nan caprichonan sin tene cuenta cu interes nacional. Nos Ministro di Husticia no ta un hurista dus reponsabilidad pa legislacion ta pasa pa Prome Ministro. Xiomara no tabata kier finansa dus ta agrupa cultura cune p'e haya algo leuk pa haci. Dangui no ta laga turismo bay dus e no por wordo agrupa cu economia.

Ursell a crea un Ministerio sin sentido bao cual e ta kere cu e lo por trece solucion, pero RWZI, Parkietenbos tur ta keda bao infraestructura cu ta cay bao Prome Ministro confirmando nos preposicion cu e lo fungi como coordinador cu titulo di Ministro, segun Miguel Mansur.



**INVEST  
SECURE**



*We don't just say it ... We Guarantee it !!!*

You can focus on your business

If you leave your security protection up to us.

Call 582-7252 for a free presentation.

Email: [insec@setarnet.aw](mailto:insec@setarnet.aw)





# A cuminsa evalua locual mester bira e “exit strategy” di e pandemia

**DIALUNA** Minister di Turismo y Salud Publico sr. Dangui Oduber tabata den un conferencia di prensa caminda e trece hopi informacion importante pa comunidad. E mandatario a duna un actualisacion di henter e situacion di Covid-19 na Aruba. E mandatario a papia di e cantidadnan di caso cu tin, e cifranan di e hospitalisacion actual y e capacidad cu tin den cuido intensivo na nos hospital. Tambe e mandatario a elabora riba kiko mester bira e “exit strategy” di e pandemia manera cu e ta awor.

## EXIT STRATEGY

Minister Oduber den su ultimo conferencia di prensa a papia di un plan cu tin pa por siña biba cu e virus di Covid-19. Dialuna mainta e mandatario a elabora riba e plan aki cu ta carga e nomber di “Exit Strategy”. E “Exit Strategy” aki ta pa bolbe bek na normalidad cu tur precaucion y risiconan calcula. Minister Oduber ta convenci cu Aruba tin diferente instrumento den su poder pa por maneha e crisis y esaki ta haci cu pronto por cuminsa midi e crisis aki na un otro manera.

Minister Oduber a splica cu durante henter e crisis a purba crea e balansa entre salud y economia, pero poniendo e salud semper na prome lugar y esaki no lo bay cambia, pero awor lo bay evalua otro modelonan tambe. Por ehempel mester bay evalua modelonan economico, laboral, financiero y cultural. Na Hulanda tambe e Minister nobo di Salud Publico sr. Kuipers a menciona cu mester bin cu otro manera pa enfrenta e crisis.

### EXIT STRATEGY PLAN TA ENSERA:

1. Cuminsa habri e discusion di bai pa por declara e virus aki endemico. E virus a muteer hopi e ultimo variante ta menos fuerte y ta pesey nos tambe mester considera declara e pandemia endemico.

2. Expande e capacidad di nos ICU na 16 cama y cu e personal necesario.

Personal di “AMI Expeditionaly Healthcare” ta personal hopi costoso pa Aruba y tambe pa Hulanda. P’e motibo riba nos propio forza nos kier percura pa expande nos capacidad di ICU. E testing a genera hopi entrada pa LabHOH y AZV, p’e motibo aki AZV a bai di acuerdo pa pone 2.4 milyon florin disponibel pa busca mas personal riba propio forza y expande nos capacidad na ICU.

3. Elimina seguro obligatorio na airport y introduci un heffing cu lo ta specialmente pa genera entrada pa inverti



bek den cuido.

4. Lo bay cambia e maneho di testing na airport y tambe e maneho di testing pa localnan.

P’e turista lo bay flexibilisa e maneho di ingreso caminda entrante 18 di januari (awe) lo bay cuminsa acepta anti gen testing cu ta mas economico y a cambia e PCR testing di 24 pa 48 ora prome cu e vuelo pa Aruba.

P’e localnan lo bay cambia e manera di test manera e t’awor, esaki ta debi cu e manera actual ya no ta dunando e efectividad y e no ta sostenibel mas mirando cu e variante aki ta mucho mas contagioso. Ta bay introduci un maneho di test nobo cu t’e sentinel testing. Esaki ta nifica cu dokternan di cas ta bay haci invitacion selectivo na diferente persona pa bin haci test pa haya un indicacion con e virus ta plama den comunidad.

5. Sigui focus riba booster y vacuna. E vacuna a duna resultado cu nos tabata buscando y pesey lo bay sigui recomenda esaki. Minister Oduber a recorda comunidad cu durante e peak den e di 4 ola tabatin 116 persona interna den hospital y 82% di esnan interna NO tabata vacuna.

6. Ta bay reenforza Departamento di Salud Publico: 7. Lo bay elimina tur medida y habri Aruba por completo. Minister Dangui Oduber a dirigi su mes na comunidad bisando cu Aruba ta pasando den su di 5 ola di Covid-19, e posibilidad ta cu nos por sigui haya diferente otro variante. Aruba mester simplemente siña biba cu e virus, pasobra porta e no ta bay stop di existi.





## Dama chauffeur no a controla e velocidad di su auto na tempo y a dal straight contra rotonde Sasaki



**Diadomingo** den careda di 6'or y 50 di atardi, un dama tras di stuur di su KIA Picanto shinishi tabata bayendo cu velocidad halto direccion di e rotonde Sasaki. E dama no por a controla su velocidad na tempo y a dal straight contra e rotondo. E impacto tabata basta fuerte, e dama a resulta herida, cu un kap na su lip. E auto a ricibi basta daño material na e parti di dilanti. Polis y Ambulance a presenta na e sitio. Paramediconan di Ambulance a trata e dama pa e herida cu e la ricibi

## Persecucion den area di Eagle ta caba cu detencion di un persona



**DIADOMINGO** algo prome cu 5'or di atardi, Polis lo a duna chauffeur di un Toyota Yaris ordo pa para, pero e chauffeur no a respeta ordo di Polis y a sigui core. Asina a cuminsa un persecucion den area di Eagle cu a bin

termina riba e parkinglot di Eagle Bowling.

Polis a detene e chauffeur y hopi lihe e la transport'e pa warda di Polis, caminda e lo mester a bay responde pa su actonan.



# Algun regla importante pa cu test di COVID-19 na Hospitaal

**PA** cu e ultimo dianan aki nos casonan di Covid-19 a subi drasticamente. Esaki ta trece cune cu por lo menos 1000 pa 1500 Covid test ta wordo hasi na hospitaal.

Cada un di e testnan aki tin su costo cune y bo testnan por keda sali positivo pa basta tempo despues cu bo recupera di Covid-19 sin cu bo ta infeccioso. Cu esaki nos

y no ta sinti nada mas bo por bay traha of bay scol bek. Si acaso despues di 5 dia ta sigui malo, ta meld esaki via e link cu bo ta ricibi den e mail di DVG.

Si bo ta den cuarentena bo mag di hasi un self-test despues di 5 dia, pero esaki no mester. Si bo no tin sintoma despues di 5 dia bo por bai traha bek. Si bo trabao of scol ta rekeri un PCR test esaki lo NO lo ser cubri door di AZV. Bo por hasi e test aki na un laboratorio priva riba bo mesun gasto.

Covid test ta importante pero nos mester hasie conscientemente. E proceso cu esaki ta hiba cune ta keda intenso y tur cos mester wordo hasi cu hopi cuatela y precision pa cu e resultadonan.

Sea consciente y keda tene distancia social den lugarnan cu hopi hende, bisti bo tapa boca y tin bo sanitzer cubo y laba bo mananan bon pa asina hunto nos por atrobe baha e cantidad di casonan positivo pa dia.

kier conscientisa tur esnan cu a test positivo pa Covid-19, pa no keda ripiti test te ora cu esaki sali negativo. Pa es motibonan aki tambe nos kier conscientisa donjonan di trabow y skolnan cu no ta e intencion pa existi esnan cu a recupera recién di Covid-19 un test negativo pa por bin skol of trabow bek.

Si bo a caba di recupera di Covid-19, no ta e intencion pa bo test mas pa bo trabao of pa scol. Mester sigui e protocol di DVG, cu ta si despues di 5 dia bo tabata den isolacion

Si bo persona ta sinti malo cu sintomanan respiratorio y ainda no a test positief pa Covid-19 den e ultimo 30 dianan, por fabor isola bo mes y hasi un test. Pa bo hanja un cita pa hasi e test bo por contact bo dokter di cas of yama 280-0101 pa solicita un code of por hasi esaki via <https://covid19test.healthapp.aw>. Cu e code aki bo por traha un cita via bo aruba health app.

Pa cualkier informacion por yama 522-4200 of 280-0101 pa preguntanan encuanto covid-19.





# Dama chauffeur no a controla e velocidad di su auto na tempo y a dal straight contra rotonde Sasaki



**DIADOMINGO** den careda di 6'or y 50 di atardi, un dama tras di stuur di su KIA Picanto shinishi tabata bayendo cu velocidad halto direccion di e rotonde Sasaki. E dama no por a controla su velocidad na tempo y a dal straight contra e rotondo. E impacto tabata basta fuerte, e dama

a resulta herida, cu un kap na su lip. E auto a ricibi basta daño material na e parti di dilanti. Polis y Ambulance a presenta na e sitio. Paramediconan di Ambulance a trata e dama pa e herida cu e la ricibi



## Dos homber deteni, despues di un bululu formal ariba caya

**DIADOMINGO** anochi durante cu Polisnan tabata atende un accidente ariba rotonde grandi di Bowling, Polisnan ta constata cu auto lo a dal un persona. Esaki a sosode na e rotonde altura di e gasoline station. Agentenan mesora a bay mira e situacion.

A bin resulta cu ta un problema entre algun persona, unda cu golpi a cay di ambos banda. Durante cu nos tabata na e sitio, por a scucha varios version. Por a mira ariba e rotonde esta pazuid di parkeer plaats di Citgo un Nissan March color blauw, cu parti di e windshield kibra. Polis a detene dos homber, uno ta conoci di Polis y e otro ta un homber Chines. Segun e conoci di Polis nan lo a dal e cu machete, biga y tambe dal'e cu auto. Un gritamento di otro mundo. Por a scucha tambe e cabayero Chines bisa cu e la bringa of dal e conocido R. debi cu e la yama su casa pa p..

Eynan dilanti Polis e la bisa cu e lo tabata kier a mata e homber ora e la insulta su casa. Nissan March blauw ta di e cabayero Chines, e lo ta huur esakinan. E di tercer persona cu tabata na stuur di e March despues di lo a dal R cu e auto a baha core bay, aparentemente den caya Tumba panort di e Convenience store.

Polisnan lo a bay buske pero lo no a localise. Por a mira si cu R tabata herida y na tera indicando cu e lo tabata den un pelea. Ambulance a wordo pidi pa controle, pero na yegada ya e la wordo transporta pa warda di Shaba.

Departamento tecnico (bfto) a wordo pidi y na su yegada mester a saca algun potret pa e investigacion. E cabayero Chines a wordo hiba warda tambe. Na warda Polisnan lo mester bay puzzel kiko exactamente a sosode, debi cu nan mes na e sitio no tabata compronde e origen di e problema.

Na final takelwagen a presenta y a bay cu e auto Nissan March pa mas investigacion.



# Prospecto Daniel Benschop a firma oficialmente cu e organisacion di Chicago Cubs



**AYERA** merdia na Papiamento Restaurant a tuma lugar e firmamento di e prospecto Arubiano Daniel Benschop, kende a firma oficialmente y lo forma parti di e famia di e organisacion Chicago Cubs.

Den presencia di su mayornan, ruman, famia y amigonan y su agente Henry Martinez Daniel a firma tur e papel necesario hunto Gian Guzman, Director of DR Scout & International Crosschecker y Kenny Socorro, Coordinator International Scouting, kende ta representante di Chicago Cubs.


Ta bon pa remarca cu Daniel Benschop ta bira e prome prospecto Arubiano cu ta wordo firma pa organisacionn di Chicago Cubs. Tambe Daniel a forma parti di Henry Martinez Academy na Republica Dominicana bou guia di e agente Henry Martinez. Tambe den pasado Daniel a hunga y forma parti di e organisacion di Stars Baseball Aruba.

Un pabien grandi ta bay na Daniel Benschop y su mayornan Jurgen y Kejo Benschop y famia completo y tambe na su coach y agente Henry Martinez cu e tremendo logro aki. Exitu Daniel cu bo carera profesional di baseball den futuro.





## Wit Gele Kruis Aruba ta un fundacion hopi conoci den nos comunidad cu ta brinda servicio di cuido pa grandi y chikito. Pa logra duna e servicio aki nos di Wit Gele Kruis ta consisti di diferente departamento.



Stichting voor Volkshygiëne  
Wit Gele Kruis Aruba

**DEN** e edicion aki nos di Wit Gele Kruis ta bai duna un splicacion amplio tocante e departamento di Mayor y Yui.

### Departamento Mayor y Yiu, un departamento hopi importante pa e chikitin y nan mayor!

#### Kiko nos ta haci?

Den e departamento di Mayor y Yiu nos ta controla e baby nan di mas o menos 1 siman te cu e mucha nan di 4 año. E baby su prome afspraak na Wit gele Kruis ta ora e tin mas o menos un siman bieu. Nos ta controla entre otro e baby su peso, paso ora nan ta recién naci ta masha normal pa nan perde peso e prome dianan. E ta hopi importante pa wak si e la baha demasiado peso of e ta subiendo bon. Baby nan cu ta bebe solamente pecho por tuma untiki mas tempo pa subi su peso bek, pero cu guia di nos e ta logra hopi bon. Hopi biaha tin mama nan cu mester extra guia cu dunamento di pecho esey tambe ta posibel.



Figure 1 Baby ta pisa    Figure 2 Mama ta duna pecho

Despues di pisa e baby nos ta midi e cabes pa wak si e cabes ta creciendo bon.

Nos por wak dibiaha e color di cuero di e baby, esey por indica cu e baby ta hayando suficiente claridad di pafo of si acaso e mester controla mas biaha. E lombrishi mayoria biaha a cai caba pero tin biaha despues cu e cai e por dura untiki mas pa e cura completo. Sa pasa cu e lombrishi



Figure 3 OAE screening (test di oido)

por dura 2 siman pa e cai, esey ta normal.

E zuster ta wak tambe si e baby a haci e test di oido caba paso esey mester wordo haci entre 4 pa 7 dia di naci. Si esey no ta e caso nos ta contact e zuster concerni pa hasi un afspraak.

Tur baby cu nace y cu ta bin haya nan controlnan serca nos di Wit Gele Kruis tin un gasto di Afl280,- pa FULL e periodo cu e baby mester bin serca nos! (15 luna). E suma aki por paga poko poko. (cada biaha cu bin consulta por paga algo ariba e cuenta). Por paga cash, swipe of via transfer (banco).

#### E suma aki ta inclui:

- Intake na cas y duna informacion
- Inscripcion
- e test di oido
- consulta nan di 2 siman te cu 15 luna (pa vacuna no ta cobra)


Na e afspraak aki mayor nan por bin cu tur nan preguntanan of nan preocupacion pa cu nan baby pa asina ora nan bai cas nan ta mas tranquil y nan por sigui cuida nan baby.

**Cada biaha cu bin consulta mester trece e buki di baby, pa nos scibi e informacion di e baby aden!**

Na final di e afspraak aki e mayor nan ta haya e siguiente afspraak pa ora cu e tin 2 siman y tambe ta scibie den su buki.

Un di e servicio nan nobo cu nos tin desde COVID ta cu cada barrio a haya un nr di whatsapp cu ta hacie mas facil pa mayor nan por tuma contacto cu nos y tambe ora cu tin pregunta over di nan baby nan por tuma contact cu nos.

Den e siguiente edicion nan nos lo sigi splika e control nan kiko e ta encera.





# Joe Koolman (MEP) lo asumi e puesto di Vice Presidente di COPPPAL pa region Caribense

**DIARANSON** mainta, señor Joe Koolman tabatin e honor di anuncia cu desde 12 di januari, 2022 e lo ta asumiendo e puesto di Vice Presidente di COPPPAL p'e region Caribense.

Conferencia Permanente di Partidonan Politico di America Latino y Caribe (COPPPAL) a wordo funda 12 di oktober 1979 na Oaxaca Mexico. Un grupo di partidonan politico di America Latina y Caribe a uni bou liderazgo di Gustavo Carbajal Moreno, lider e tempo ey di Partido PRI Mexico pa bin cu e iniciativa pa lanta COPPPAL.

E tempo ey mey-mey di tur e lidernan grandi di America Latina y Caribe tabata presente Aruba su lider, libertador Betico Croes cu tambe a firma e prome declaracion na OAXACA, Mexico dia 12 di oktober, 1979.

COPPPAL t'e organisacion politico di mas grandi y mas importante di America Latino y Caribe y a crea un trilateral entre ICAPP, organisacion di partidonan Asiatico y CAP partidonan politico Africano pa un total di mas di 700 partido politico. COPPPAL mes ta consisti di 69 partido politico representando mas di 30 pais den Latino America y di Caribe.

E funcion di Vice Presidente a wordo eherce dignamente pa añanan largo pa señor Rudy Croes den feliz memoria na unda el a haci, desde 1989, un gran trabou riba nivel internacional pa partido MEP.

Na aña 2004, el a introduci señor Joe Koolman cu e mundo político internacional, y desde e tempo aki señor Koolman ta representando partido MEP riba nivel internacional tambe, cual ta haci cu e tin tur e capacidad pa por eherce e funcion aki debidamente. Esaki sigur ta algo grandi pa pais Aruba mirando e lidernan grandi cu ta forma parti di COPPPAL.

Apart di e posicion di Vice Presidente, señor Joe Koolman



tambe lo fungi como Presidente comision Decolonizacion y Colonización di COPPPAL pa full Latino America y di Caribe. Señor Joe Koolman ta encarga pa brinda ayudo necesario den caso cu mester asistencia di COPPPAL.

Tin varios tema cu ta prioridad pa COPPPAL. E tema di soberania, defensa permanente di democracia, institutonan huridico y político y percura pa su desaroyo y su perfeccionamento, fortalece e principianan di autodeterminacion di pueblo Latino Americano y Caribe, promove e principianan di integracion regional, promove y defende respet riba temanan di derechonan humano, ta condena y ta contra tur forma di colonialismo, impulsa e desaroyo promoviendo Latino America y Caribe, y accionnan conhuntro cu ta duna e posibilidad pa establece orden economico internacional mas husto.

Señor Koolman ta hopi orguyoso di por forma parti

di COPPPAL como Vice Presidente di e region Caribense y cu su experiencia lo sa di representa partido MEP y Aruba riba nivel internacional dignamente.

"Pa mi ta un honor y privilegio y mi ta hopi agradecido na partido MEP, na lider Evelyn Wever Croes y na COPPPAL y su Presidente Alejandro Moreno Cardenas p'e confiansa grandi aki deposita den mi persona", señor Joe Koolman a expresa.





Mr. dr. Rygond R. Santos do Nascimento (AVP):

# Ursell no ta worry bo bira malo di landa den awa di pos



E indiferencia delibera di Minister Ursell Arends pa bida y salud di cada persona cu ta uza nos playanan ta criminal. Aparentemente e no tin ningun consideracion pa ningun di e 1 miyon turista cu ta bishita nos isla tur aña, ni tampoco pa nos mes cu ta biba aki na Aruba. Ursell Arends a lesa e rapport di CARMABI cu ta bisa cu di cada 1000 hende cu ta landa den e awanan pazuid di nos isla 32 persona lo bira malo. Toch e ta insisti pa sigui e politica di Gabinete Wever-Croes: keda keto y tapa berdad. Ursell tabata tin mas cu 100 dia pa sigui ehempel di Florida y pone borchinan cu aviso di e peliger aki. Awo, despues di lunanan cu mi persona ta pidi atencion pa e rapport di CARMABI y hasta mi a publica e draft, Minister Arends ta purba haci damage control. Na AHATA e ta bisa cu e no tin problema pa comparti e rapport. Pa colmo e ta acusa na manera engañoso cu entre otro mi persona kier uza e rapport di CARMABI den un contexto maligno y cu mi ta duna esaki un interpretacion falso. Hasta e ta acusa nos di causa daño na nos industria hotelero, na nos economia y na tur habitante di nos isla. Mientras tanto e minister ta keda keto keto encuanto e contenido di e rapport. P'esey mi ta urgi cada ciudadano lesa e rapport pa su mes.

E rapport di CARMABI ta splica bon cla cu nos lama ta contagia. Riba pagina 35 ta bisa entre otro: "Exceeding upper limits implies that 32 out of 1000 people using such water for recreation etc. will get ill from sewage associated bacterial diseases. If abundances of Enterococci exceed 70

CFU/100 ml the use of such waters in Florida, with roughly a similar Caribbean climate, is immediately discouraged." Hasta ta menciona: "the amount of sewage waters entering Aruba's coastal waters appears significant and locally exceeds limits for safe use by humans.'

Para y pensa! Ursell Arends y su coleganan minister sa cu e cantidad di bacteria fecal (procedente di pupu) ta trece malesa serio. Tin un abundancia di entre otro e bacteria Enterococci, cu ta causa infeccion den e tracto urinario, infeccion abdominal, bloodstream infection, infeccionnan neonatal (hende muhe na estado), infeccion di sistema nervioso central etc.

Señor Ursell Arends, cuanto hende muhe na estado a perde nan yiu pa motibo cu nan a landa den nos awa contamina? Cuanto turista a bay nan pais bek cu infeccionnan grave di cuero, di boca of di un herida? Cuanto hende mester bira malo of mester perde bariga prome cu bo ta tuma e situacion aki na serio? E caso aki merece un class action contra gobierno a base di articulonan 2 y 8 EVRM (Europees Verdrag voor de Rechten van de Mens). Por favor informa nos Pueblo y nos turistanan di e peliger y e riesgonan di landa den e lama aki. Bo tin un obligacion pa informa y pa proteha e salud y bida di hende. Bo ta na altura di e gravedad di e peliger cu ta nos lama. Haci bo trabao y planta bo simia di gobernacion responsabel!





# Clifford Heyliger (AVP): Abuso di Mucha - E Pandemia Social neglisha

Nos mucha nan a wordo lubida door di nos gobernante nan. Sigur lo bo por argumenta cu 2021 tabata uno di hopi conflicto y cu otro reto nan manera e pandemia di covid. Pero tur argumento ta perde cualkier credibilidad ora nos tuma nota di decision nan cu gobernante nan a tuma cu tabata beneficia nan mes of esnan den nan circulo familiar of circulo politico.

Ora lider nan y autoridad nan hudicial pone interes financiero y interes politico riba interes general, inhusticia ta prevalece y esnan mas vulnerabel ta bira victima. Un ehempel di esaki ta caso di Jeffrey Eipstein, un homber rico cu hopi coneccion politico y hudicial. Epstein a haci uso di su poder financiero y influencia politico sera wowo y bocanan pa por comete su fechoria nan.

Esaki ta pone mi pensa di con na Aruba, un pais chikito, nos no por eradica abuso sexual di menor. Nos mester por dedica tur atencion y recurso pa proteha nos mucha nan di abusador nan y aplica un systema di castigo mas efectivo. Durante e ultimo aña nan tin varios organisacion cu ta hiba e lucha contra abuso di mucho. Cuanto ayudo y sosten nan a ricibi di Gobierno? Nos no a wak ningun tipo di accion of movicion politico concreto riba e tema. E “attention span” di gobierno pa e necesidad di comunidad ta hopi cortico. E realidad ta cu loke nos ta balora esey nos ta cuida y dun’e atencion.

Aruba, ki balor nos mucha nan tin? Ban pone accion y trece cambio den e situacion monstruoso aki.

Mucha nan ta importante pa Dios (Marko 10:14). Palaba di Dios ta papia di consecuencia pisa pa esnan cu comete inhusticia contra mucha (Mateo 18:6).

No ta tempo pa nos ley nan tambe refleha e balor cu nos mucha nan tin pa nos?

Ta 6 minuut so di boso tempo nos ta pidi!

**SI** bo tuma nota di contenido den medio nan di comunicacion y tambe riba social media bo lo kere cu abuso di mucha ta algo di pasado. Bo lo kere cu Aruba a eradica e crimen monstruoso aki. Pero esey ta leu di e berdad. Durante campaña di eleccion na 2021 hopi politico a profila nan mes riba e tema aki. Politico nan a papia di e tema, a pone riba panfleta y papia di abuso di mucho durante intrevista. Pero asina cu eleccion a pasa nos mucha nan a wordo lubida. Miyones di fondo nan publico a wordo gasta na social crisis plan sin cu nos ta wak of sinti un diferencia. Promesa di pasa ley den 6 minuut keto bai no a keda realisa.

Pa colmo mei mei di un pandemia gobierno ta ocupa su mes cu un ley pa silencia media pero no tin tempo pa dedica na un ley contra abuso di mucho. A priminti cu den 6 minuut lo pasa ley pa proteha nos mucha nan pero a prefera usa e 6 minuut nan pa scirbi un carta pa menasa prensa cu lo pasa ley pa silencia nan si nan sigui critica e gobierno actual.

## IBiSA: Pago pa e di 26 edicion di Betico Croes Memorial Run



**DURANTE** IBiSA su rueda di prensa a duna di conoce cu e di 26 edicion di Betico Croes Memorial Run ta bay tin un maximo di 500 participante. Inscripcion a habri dia 7 di januari y den 2 dia nos a surpasa 500 inscripcion. IBiSA kier recorda cu no paso bo a inscribi kieren cu bo ta den careda, pues IBiSA kier recorda tur esnan cu a inscribi cu ta bay tin 4 dia di pago cu ta 18, 19, 20 y 21 di januari.

Pa facilita e pago di e careda IBiSA ta extende su orario riba diamars 18 y diaranson 19 di januari for di 8’or

di mainta te cu 4’or di atardi non stop, diahuebs 20 y diabierna 21 di januari e orario ta bay bek normal 8’or di mianta pa 12’or di merdia y 1’or pa 4’or di atardi. Pago por wordo haci solamente na IBiSA na playa y mester ta den efectivo (cash).

IBiSA kier pa esnan cu a inscribi tene na cuenta cu na momento cu yega 500 pago, e careda ta sold out. Pa keda informa sigui nos via nos paginanan social facebook y Instagram IBiSA Aruba.



# Turismo ta cera aña cu un recuperacion di 72%

## Aruba ta ricibi 806.555 bishitante “stayover” na 2021

**ARUBA** Tourism Authority ta informa cu pa luna di december nos destinacion a ricibi un total di 89.541 bishitante “stay-over”. Si compara luna di december 2021 cu december 2019 - cu tabata e ultimo aña normal di turismo, por mira cu Aruba a recupera cu 88.9% di locual a wordo ricibi na december 2019.

Por observa cu tres mercado a destaca den e cantidad di turista cu a bishita na december 2021, esta Estadonan Uni di Merca cu 67.525 bishitante, Canada cu 5.293 bishitante y Hulanda cu 4.555 bishitante. E di cuater mercado mas grandi tabata Colombia cu 3.654 bishitante.

P’e periodo januari 1, 2021 – december 31, 2021, Aruba a ricibi un total di 806.555 bishitante. Aruba ta wordo representa na tres diferente continente. Norte America ta e mercado mas fuerte y entre januari pa december 2021 un total di 690.246 bishitante Norte Americano a bishita Aruba. Esaki ta 85.6% di e total di nos turistanan. Durante e mesun temporada, Europa a trece 53.698 turista pa Aruba, cu ta 6.7% di e total di bishitante. Un total di 39.870 turista cu ta representa 4.9% tabata procedente di Latino America; y 2.8% - cu ta 22.741 bishitante, a bishita nos isla for di otro partinan di mundo.

Un biaha mas por mira cu e mercado di Hulanda ta mustrandó un crecimiento cu ta surpasa e cifranan di 2019. December ta e di seis luna consecutivo cu Aruba a ricibi mas turista di estadia for di Hulanda. Compara cu 2019 por observa e siguiente porcentahenan di crecimiento: 39% (juli), 34% (augustus), 27% (september), 23% (oktober), november 18% y pa december 28%.

Remarcabel ta tambe cu pa ocho luna caba, for di mei te cu november 2021, e yegada di turistanan for di Estadonan Uni di Merca no ta baha bao di 90% di e cifranan di 2019. Esaki ta un di e cifranan cu sigur ta refleha un recuperacion stabil y continuo di e mercado mas grandi y importante di nos industria di turismo.

Aña 2021: 72% recuperacion

Aña 2021 a pone e “tono” pa y a marca e cuminsamento di un etapa continuo di recuperacion di e pilar mas importante di Aruba su economia.

Den su totalidad, e cifranan di e periodo di januari 1, 2021 – december 31, 2021, ta muestra cu Aruba a conoce un recuperacion cu a cuminsa cu apenas 33% na januari, pero a acelera ya na april y a yega riba di 80% na mei. For di luna di mei te cu ceramento di aña, apesar di tur situacion cu a presenta, e porcentaje di recuperacion no a baha di 80% mensual.

Teniendo na cuenta cu tabatin varios reto serio den 2021, asina mes a logra mantene e recuperacion y cera aña cu un grado di recuperacion di 72%, compara cu e cifranan di 2019. No tabata facil y a tuma hopi esfuerso di parti di Aruba Tourism Authority y henter e industria di turismo, localmente e internacionalmente, pa mitiga e efectonan di e desaroyonan menos positivo pa surpasa e retonan cu a presenta na 2021. A cuminsa aña 2021 cu un proyeccion un tiki reserva ainda, pero Aruba su reputacion y promocion fuerte, y imagen como un isla sigur y cu bon protocol pa cuida tanto e residente como e

bishitante, a logra mitiga e efectonan di cancelacionnan di reservacionnan y a adapta na nan.

Algun di e retonan tabata: e subida di cifranan di contagio cu entrada di e variante Delta y despues e variante extra-contagioso Omicron, cancelacionnan ora cu Estadonan Uni di Merca a declara Aruba como un pais “Level 4”, y e diferente cambionan grandi den protocolnan di re-admision di parti di varios pais pa ora e turistanan bolbe nan pais di origen.

“Un grado di recuperacion di 72% ta un resultado fabuloso pa nos destinacion, considerando e impacto di e pandemia riba biahamiento mundialmente y teniendo na cuenta e retonan multiple cu a presenta en general,” Ronella Croes, CEO di A.T.A. a expresa. “Cada mercado tin su retonan actualmente, uno mas impactante cu e otro; y ta depende con diferente factor ta alinea pa logra atrae turistanan pa nos isla. Aruba a logra yega na un pakete di protocol, condicionnan y, hasta un App y un seguro special cu mester a crea for di “scratch” den un tempo relativamente cortico. Awe nos ta wak e resultadonan positivo y optimista di e iniciativanan tuma, di e forma progresivo y proactivo di pensa y actua, trahando cu teamnan multi-disciplinario.” Na december 2021 a perde 12% di grado di recuperacion proyecta p’e luna versus 2019, y na luna di januari ta proyecta cu lo por perde 25% di cantidad di bishitante compara cu locual a proyecta pa e luna. Esaki tur debi na Omicron. Ta confia cu lo re-inisia e trayecto di recuperacion despues di e ola actual, aunke cu grupo nan di biahe incentivo cu a cancela, a postpone pa 2023 bai dilanti y pues lo ta dificil pa recupera e parti di negoshi aki.

### TURISMO CRUCERO

Na juni 2021 Aruba a habri atrobe pa ricibi turismo crucero y na december 2021 un total di 48.209 pasahero crucero a bishita nos isla cu 35 bishita di barco. Turismo crucero ta siguiendo un proceso di recuperacion gradual. Di juni pa december 2021, Aruba a yama bonbini na un total di 136.211 pasahero crucero, cu a bishita nos isla riba un total di 96 bishita di diferente barco den e periodo aki. Poco poco nos industria di turismo lo “normalisa” cu ahustacionnan, teniendo e seguridad di e bishitantenan como tambe nos localnan na prome luga.

### TOURISM CREDITS/CENTRAL BANK OF ARUBA

Di acuerdo cu Banco Central e asina yama ‘Tourism Credits’ (cual anteriormente tabata wordo yama “Tourism Receipts”) pa e prome y di dos kwartaal di aña 2021 a contribui cu AWG 1279.1 miyon den nos economia, cu ta 9% menos compara cu e mesun temporada na 2020. Esaki naturalmente ta debi na e pandemia global di Covid-19 durante cual Aruba tambe a cera su fronteranan temporalmente entre mita di maart 2020 te cu juli 2020. Aruba ta sigui recupera desde e re-apertura di nos frontera na juli 2020. E desaroyo y progreso di recuperacion di Aruba su industria principal ta sigui surpasa expectativanan. No obstante dificultadnan awor, tin e confiansa cu lo re-inisia nos trayecto di recuperacion despues di e ola actual.



# Parlamentario Marco Berlis (MEP): Mainta informativo na WEB Aruba NV pa Parlamento (part-3)

**AWE** mi kier a continua cu e informacion cu e expertonan di WEB a comparti cu nos Diamars mainta januari 11. Tabata un sesion hopi interactivo y masha hopi pregunta y duda a wordo contesta y clarifica. Pero prome cu mi haci esaki, mi kier subraya con oposicion kier haci pueblo pensa cu nan ta critico y genuino den nan expresionnan encontra di expertonan di WEB, y e Proyecto di Eagle LNG Gas. Oposicion no a tribi di yega na un mainta di informacion pasobra nan tabata sa cu nan poniencianan y storianan inventa lo keda na berguensa dilanti tur hende. Ora bo no debe nada bo no ta teme nada toch? Oposicion a prefera grita den prensa y den e medionan social tur tipo di cos pa trata na hustifica nan ausencia. Si di berdad ta contesta boso tabata busca, y interes di pueblo boso ta lucha pe, boso tur lo a yega na careda pa a haci boso preguntanan e mainta aki.

E hecho ta cu AVP kier a bin cu e mesun Proyecto aki y a bisa na 2018 den un articulo cu nan a post riba nan website, y mi ta quote; “Nan (GasUnie) tabata interesa pa traha hunto cu Gobierno di Aruba y Utilities y WEB, inverti si ta necesario, pues pa ta un partner den e proyecto. E proyecto a wordo ehecuta, tur e plannan a wordo traha, visibility studies y business plan ta traha. E parti ingenieria y analisis tambe a wordo haci..

- Ripara cu nan mes ta bisa cu e Proyecto tabata cla, tur plannan traha, visibility studies y business plan ta traha! E parti ingenieria y analisis tambe tabata cla! Awor si tur e conocimiento ey boso tabata tin di e proyecto, con por ta cu awor ta pretende di no sa nada y cu tin mil pregunta y insinuacion ridiculo? Insinuacion ridiculo, pasobra tur rapport, investigacion, analisis, ingenieria y business plan traha for di 2018 cu ta duna nan tur contesta riba

e Proyecto di LNG Gas aki na Aruba!

Tambe e articulo ta bisa esaki; “Nos sa cu pasobra e ta un proyecto cu Gobierno anterior (AVP) a traha riba dje y tabata full cla, nan no kier ehecuta esaki. E ta lastima pasobra den cierto casonan, ora cu proyectonan ta bon ,mester tin continuacion.”

- Awor gobierno a duna continuacion, manera boso a urgi pero esey tampoco no ta bon. Si kier papia di hipocresia esaki ta esun di mas grandi. E actitud aki ta hopi lamentabel. Un Proyecto cu nan a gaba masha, a prepara pe y aworaki a wordo realisa pa gobierno actual! Un Proyecto cual nan tabata sa ta super beneficioso pa Aruba. Ainda pueblo por kere oposicion tin pueblo na pecho?

LNG Gas ta un parti vital di WEB su vision, pasobra e ta trece mehoracion pa nos medio ambiente, y adicionalmente e ta baha e prijs di awa y coriente. Ora cu e produccion ta cla pa cuminsa na 2024, WEB lo ta operando 50% di su motornan riba Gas Natural di Eagle LNG. Pa 2026 WEB ta proyectando cu su motornan lo ta funcionando 100% riba gas natural y lo baha e consumo na mas di 1900 bari di fuel pa dia!

Eagle LNG awor tin cu cumpli cu tur permiso pa e contract por cana. Nan ta responsabel pa transporta e LNG, construi e facilidad di LNG Gas, e bunkering station, core tur tuberia y ta responsabel pa e gas yega WEB. E contract di WEB ta un Gas Delivery Agreement. Kiermeen tur demas gasto ta pa cuenta di Eagle LNG. E vision di futuro pa WEB ta pa expande energia renovabel. WEB kier reemplasa e Molinanan di biento na Vader Piet pa



2029 cu molinanan mas grandi, mas moderno y cualnan lo ta 12% mas eficiente y cu un tecnologia cu lo produci mas energia cu menos costo.

Den conclusion mi kier a expresa mi gradicimento na tur experto di WEB Aruba NV cu ta hendenan bon studia, cu hopi experiencia y cu un vision di energia solido pa nos pais. Ta lamentabel cu politica sushi mester wordo hunga pasobra tin hende hamber pa poder. Pero semper mi lo para pa un proyecto cu ta beneficioso pa nos pais y den cual nos tur lo cosecha su fruta. Danki tambe na minister Glenbert Croes pa e “buitendag” fructifero aki pa Parlamento, cual tabata uno hopi educativo y cu a laga niun duda cu e decisionnan corecto a wordo tuma den e cuadro di energia pa Aruba!



SETAR ta participa fayecimento di:

*Sra. Cecilia H. Arends- Paesch*

Mama di nos colega  
Francis Arends,  
Supervisor Residential Telecom Services.

Acto di entierro ta tuma luga diamars 18 di januari  
2022 di 2or di merdia pa 4or di atardi na  
Misa Sta. Filomena na Paradera.  
Despues lo sali pa Santana Catolico na Paradera.

Gerencia, Staf y Personal di SETAR N.V.  
ta extende palabra di condolencia na  
Francis y demas famia.





# Pa notisia difamatorio, SLM ta konsiderando paso legal kontra dos korant

**GERENSIA** di Surinam Airways a haña konfirmashon di Ministerio Publiko na Paramaribo ku nan no a laga arestá ningun hende ku ta den gerensia dje empresa. Henk Jessurun, kende ta Direktor di SLM a rekonfirmá e notisia despues ku e korant De Ware Tijd a informá djasabra ultimo ku OM a laga arestá un ehekutivo haltu dje empresa pa asesinato di John Veira.

E kompania ke demanda e korant, pasobra nan a haña imagen dje kompania ya ku el a kousa un shòk den komunidad i den e empresa mes.

Un bosero di De Ware Tijd a deklará n'e korant Starnieuws ku nan a verifiká e notisia debidamente promé ku nan a publik'é, pasobra nan fuente tabata di konfiansa i e fuentenan ta insisti ainda ku e notisia ta korekto.

E Presidente di Hunta Komisario di SLM, Leo Brunswijk, ta insisti ku e notisia ta un gran mentira. Polis no a interrogé i e no sa di unda e notisia a sali.

E ta konsiderando pa kuminsa un kaso kontra e korant, pasobra definitivamente Polis no a tende ningun ehekutivo. SLM a buska abogado kaba i ta konta ku apoyo dje

partnernan dje kompania manera e sindikato di personal i e sindikato di pilotonan. Nan a ekspresá nan disgustu pa motibu dje informashon aki.

## TIMES OF SURINAME

Mientrastantu gerensia di SLM ta skupi kandela pa otro notisia ku a sali den Times of Suriname kaminda nan ta kuestioná konfiabilidad di aviashon na Surinam. E notisia aki ta krea konmoshon inesesario.

E Vise Presidente di Operashon di SLM Captain Steven Gonesh tambe a reakshona riba e artikulo den Times i a konfirma ku SLM ta un organisashon ku ta kumpli ku tur regla lokal i internashonal i garantia ku nan ta konfiabel ta parti di nan aporte na aviashon Surinameño.

E pandemia ku Covid-19 a dal SLM duru meskos ku a pasa ku otro kompanianan i nan mester a retorná parti di nan flota ne doñonan. Luna pasá nan a retorná e Boeing 777 den kordinashon ku Departamento di Aviashon i Boeing. SLM no a para su programa di buelo i nan ta kumpli ku tur lei di mantenshon. Nan ke demanda tur e dos korantnan pasobra ni sikiera nan a yama puntra si e notisia ta bèrdat.

*"Señor ta mi wardador, mi'n tin falta di nada  
Den cunucu di yerba berde e ta ponemi sosega.  
E ta hibami na awa trankil,  
Pa mi bolbe haña forsa".  
Salmo: 23*

Cu dolor na nos curason pero conforme cu boluntad di Dios,  
nos ta anuncia fayecimento inespera di:



**Luisa Magriet Croes**  
Mihor conoci como Grieta  
\*26-01-1948 - †15-01-2022

Acto di entierro lo wordo anuncia despues



*Den cunucu di yerba berde e ta poni mi sosega.  
E ta hiba mi na awa trankil.  
Pa mi bolbe haña forsa.  
Salmo 23*

Cu profundo tristeza na nos curason, nos ta anuncia  
fayecimento di:



**Eugenio Carel Mathilda**  
Mihor conoci cu Tony  
21-11-1967 / 13-12-2021

Acto di despedida lo wordo  
anuncia despues





*“Señor ta mi wardador, mi’n tin falta di nada  
Den cunucu di yerba berde e ta ponemi sosega.  
E ta hibami na awa trankil,  
Pa mi bolbe haña forsa”.*  
Salmo: 23

Nos ta anuncia fayecimento di:



**Allan Stanley Augustin**  
\*21-09-1956 - †13-01-2022

Acto di entiero lo  
wordo anuncia despues



*Laga tur loke ta spera mi ta bunita  
Laga tur locual cu mi encontra na caminda ta bunita  
Laga tur locual cu mi laga atras keda bunita y  
Laga esakinan termina den tur buniteza.*  
Cado Wever.

Cu dolor na nos curason, nos ta participa fayecimento  
di nos ser stima:



**Sr. Don Pedro Jacinto Nisbet**  
Cariñosamente yama “Donny”  
\*08-07-1952 – †13-01-2022

Acto di entiero lo wordo anuncia despues



*Laga tur loke ta spera mi ta bunita  
Laga tur locual cu mi encontra na caminda ta bunita  
Laga tur locual cu mi laga atras keda bunita y  
Laga esakinan termina den tur buniteza.*  
Cado Wever.

Cu inmenso tristesa na nos curason, pero hopi gradici pa tur  
loke ela significa pa nos, nos ta participa fayecimento di:



**Dora Esther Nuñez Herrera**  
Na edad di 95 aña  
\*21-10-1926 - †15-01-2022

Acto di despedida lo wordo anuncia despues



*“Tata, Mi kier pa esnan cu Bo a duna Mi, ta caminda Mi ta,  
ya nan por mira mi gloria; e gloria cu Bo a duna Mi, pasobra  
Bo a stima Mi promé cu creacion di mundo.”*  
Juan 17:24

Cu inmenso dolor na nos curason, nos ta participa  
fayecimento di nos ser stima:



**Maria B. Geerman-Britten**  
Cariñosamente yama “Maria di Ale”  
\*09-04-1926 - †15-01-2022

Lid in de Orde van Oranje-Nassau  
Premio Kibrahacha di SV Britannia Aruba  
pa desaroyo di Piedra Plat y vecindario  
Baluarte Arubiano di Festival y Canto Himno y Bandera

Acto di entiero lo wordo anuncia despues





*"Señor ta mi wardador, mi'n tin falta di nada  
Den cunucu di yerba berde e ta ponemi sosega.  
E ta hibami na awa trankil,  
Pa mi bolbe haña forsa".  
Salmo: 23*

Nos ta anuncia fayecimento di:




**Olivia Gerard-Lugay**  
\*22-12-1951 - †12-01-2022

Acto di entiero lo wordo anuncia despues



Cu tristeza pero conforme cu boluntad di  
Dios, nos ta anuncia cu a bay laga nos  
inesperadamente na Colombia nos tata,  
welo, bisawelo, ruman y omo:




**Hieronimo Epifanio Trimon**  
Mihor conoci como "Joon"  
\*13-01-1943 - †7-01- 2022

Acto di entiero lo wordo anuncia despues



*"Dios ta amor... y amor ta Dios,  
maske mi no ta na e mundo aki, tur dia lo mi ta banda  
di boso Curazon, mi por stens di loke Señor ta hasi"  
Salmo 33*

Cu dolor na nos curason, nos ta participa fayecimento  
inesperadamente di nos ser stima:



**Marilyn Charlotte Croes**  
mihor conoci como Juffrouw Charlotte  
\*05-10-1962 – 14-01-2022

Acto di entiero lo wordo anuncia despues



*"Bou di alanan di Dios mi ta sigur"  
Abo ku ta biba bou di amparo di Altisimo, ta hospedá den  
sombra di Dios Omnipotente, bisa Señor:  
"Mi refugio, mi forti, mi Dios, den kende mi ta  
pone mi konfiansa"  
Salmo 91:1-2*

Cu dolor na nos curason, nos ta participa fayecimento di:



**Dominico J. Figaroa**  
Mihor conoci como "Domico of Mico"  
\*04-08-1952 - †09-01-2022

Acto di despedida lo wordo  
anuncia despues





*"Señor ta mi wardador, mi'n tin falta di nada  
Den cunucu di yerba berde e ta ponemi  
sosega.*

*E ta hibami na awa trankil,  
Pa mi bolbe haña forza".*

*Salmo: 23*

Nos ta anuncia fayecimento di:



**Sra. Vda. Cecilia Helena  
Arends-Paesch**

**Mihor conoci como "Nene" of  
"Mama Helena"**

**\*01-04-1950 - †12-01-2022**

**Na number di su:**

**Casa:**

**Yuinan:**

† Luciano "Sha" Arends

Gilbert "Gibi" Arends y Minerva Quandus

Francis "Fenchi" Arends y Raisa Dirksz

**Tesoronan Stima:**

Giannely, Gilliany y Jaycob Arends

Bryson y Ilayza Arends.

**Tata y Mama:**

† Cristobal y † Louisa Paesch-Kelly

**Rumannan:** † Francisca "Kita" Boekhoudt y Famia, Irene y Mario Delaney y Famia, Handy y † Mina Paesch- Werleman y Famia, Ambrosio y Linda Paesch-Erasmus y Famia, Dora y Mito Tromp y Famia, Evaristo y Lena Paesch-Geerman y Famia, Tom Paesch y Famia, Deta y Paul Denters y Famia, Guido Paesch y Vanny Montenegro y Famia, Senovia y Mario Lopez y Famia. **Swa y Cunja nan:** † Felepina "Pina" y † Pedro Tromp y Famia, † Augustin "Bubu" y Ceferina Arends-Kock y Famia, † Inocencia "Chichi" Arends y Famia, † Francisco "Frans" Arends, Teodora "Dora" y Marco Werleman, Maximina "Mina" Arends y Famia, Pedro y Betty Arends-Winterdaal y Famia na Hulanda. **Sobrino y Subrinanan, Sobre Sobrino y Sobre Subrinanan. Famia di Cas:** Alfonso y Lena Jimenez, Violeta y Rafael Flanders, Elva Croes, Baldo Chirino, Jani y Magriet Dirksz-Boekhoudt. **Primo y Primanan, Ihanan, Comer y Compennan, Tur su Bon Bisinjanan, Amigonan, Conocirnan Y Mama di su Nietanan y Nieto Stephanie Maduro y Tur cu a Stima Mama Helena. Su ex coleganan di La Linda, Sport Caribe, Palacio di Deporte. Demas Famia:** Paesch, Arends, Kelly, Quandus, Dirksz, Delaney, Werleman, Tromp, Denters, Lopez, Jimenez, Wever, Jansen, Geerman, Wernet, Boekhoudt, Hironimo, Luidens, De Cuba, Erasmus, Montenegro, Donati, Lampe, Berry, Robert, Dania, Maduro, Flanders, Ras, Dake, Bikker, Croes, Bisslik, Dijkhoff, Lo-fo-Sang, Lewis, Winterdaal, Kock, Wefer, Gomez.

**Ta invita pa acto di entierro cual lo tuma lugar na Misa Sta Filomena na Paradera diamars 18 di januari 2022 di 2'or pa 4'or di atardi. Despues lo sali pa Santana Catolico na Paradera.**

Condolencia lo tuma lugar na Aurora Funeral home dialuna 17 di januari 2022 di 7'or pa 9'or di anochi.

Disculpa nos si den nos tristesa nos por a lubida algun famia of conocer.

## ANUNCIO Y GRADICIMIENTO

**Tasakuin pia SuKas pushuatain (Wayunaki): Te saludo con todo el alma**

**Ais Tapula Pia (Wayunaki): Te quiero mucho**

**Tasukajain Main Pia (Wayunaki): Te extraño mucho**


**La Vida tiene sentido cuando con bondad se toca el corazon de otros**

**La bondad en el decir crea confianza,  
La bondad en los pensamientos crea profundidad,  
La bondad en el dar crea amor (Lao Tzu)**

**El amor no intenta atar, atrapar, retener...  
EL amor es ligero, libre de los apegos.**

**Cuando el amor esta presente, nada resta por hacer (Vimala Thakar)**

**Riba 9 di januari 2022 despues di un bida cu hopi sentido y  
dunando hopi amor a hasi su transicion pa Bida Eterno  
nos Mama, Wela, Ruman, Tia y Hende pa tur Hende**



**CLARA DEL SOCORRO  
BAIZ-AARON**

**Un gradicimiento eterno na tur cu di un of otro forma a forma parti di su Bida y cu despues di su transicion pa Bida Eterno a compana nos of a duna nos atencion.**

**Un gradicimiento special na personal di Betesda Home Care cu a cuide y stime durante e ultimo etapa di su bida. Ta keda atras un bashi enorme cu dificilmente por wordo jena back, pero nos ta orgulloso y gradici di a forma parti di e bida di un persona asina maravilloso y inspirador den tur aspecto di Bida.**

**Danki Mama Soco pa ta un ehempel di disciplina y perseverancia y un inspiracion pa hopi.**



*“Señor ta mi wardador, mi’n tin falta di nada  
Den cunucu di yerba berde e ta ponemi  
sosega.*

*E ta hibami na awa trankil,  
Pa mi bolbe haña forsa”.*

*Salmo: 23*

Nos ta anuncia fayecimento:



**Elvia Maria Ponson-Wever**

**\*24-12 -1935 - †12-01-2022**

**Na number di su:**

**Casa:** Charles “Taita” Ponson

**Yiunan:** Dino Ponson y Thorey Magnusem  
Jacqueline E. Ponson  
Monique y Michael Giunta

**Nietonan:** Magnus y Amanda, Olina, Sofia Ponson

**Rumannan:** †Albert Wever  
†Federico Wever y yiunan  
†Lidia Wever  
†Anna y Fred Baptist-Wever y yiunan  
†Christina y Guiseppe Bellaca-Wever y yiunan  
†Adriaan Wever y yiu  
†Henry Wever  
†Randolph Wever y yiu  
Maria Goretti-Wever y Cornelis Jacob Molenaar na  
España

**Swa:** Albert Ponson y Adelaida Ponson-Arends

**Ruman di criansa:** †Sara Maduro

**Sobrinonan:** Evelin, Zueima, Rhonda, Nico, Estefano, Ivan,  
Christian, Tamara, Dwayne, Tanya, Gunther, Natasha, Joanne

**Demas famia y amigonan:** Ponson, Wever, Arends, Henriquez,  
Maduro

Ta invita pa e acto di despedida cu lo tuma lugar diamars 18 di januari  
2022 na Royal Funeral Home di 9’or pa 11’or di mainta. Cremacion lo  
tum alugar den seno di famia

*“ De Here is mijn herder, mij ontbreekt niets;  
Hij doet mij nederliggen in grazige weiden; Hij  
voert mij aan rustige wateren; Hij verkwikt mijn  
ziel.”*

Met veel verdriet in ons hart, maar met  
dankbaarheid voor de mooie herinneringen  
maken wij bekend dat van ons is heengegaan  
onze zeer geliefde, vrolijke, zorgzame en  
geweldige vader, grootvader, overgrootvader  
en oom:



**Johan James Leonard  
Havertong**

beter bekend als “John”

**\* 28 - 09 - 1930 † 10 - 01 - 2022**

**Namens zijn:**

**Kinderen:** Yvonne en Andre Atmowirono – Havertong  
Vivian en Harrish Chin-Sie-Jen – Havertong  
Elly en John Hessen – Havertong  
† Hein Havertong

**Kleinkinderen:** Charlene en Dennis Spee; Randy Atmowirono en Alexis  
Schule; Minoushka Chin-Sie-Jen; Lynnoush en Erwin Baptiste; Thalysia  
Hessen; Jeandré Hessen en Licielle Hoek; Daryl en Marykay Chin-Sie-Jen;  
Cheayenne Havertong; Kailyn Havertong; Geronimo Havertong; Milagro  
Havertong en Tanisha

**Achterkleinkinderen:** Jayzion; Ziënne; Ayisha en Kyra

**Broers en (schoon)zussen:** Eddy en Peggy; Ronald en Adri; Wally en  
Maria; Henk en echtgenote; Gonda Drieling; Eline Nielo; Robby Nielo

**Neven en nichten:** Havertong; Mangroelal; Marques; Kock; Boekhoudt;  
Krozendijk

**Peetkinderen:** Lilly Palk; Swinda Croes; Magriet Fuentes;  
Lucia Atmowirono

**Verdere familieleden, vrienden en kennissen:** Havertong; Atmowirono;  
Chin-Sie-Jen; Hessen; Altman; Frank; Palk; Hahn; Ellis; Willemse;  
Hekkelman; Janssen; Jadnanansing; Moore; Street; Tromp; Maduro; Dirks;  
Kock; Boekhoudt; Croes; Ras; Donk; Fuentes; Calle; Franken; Gomez;  
Harold, Aisca y Jayden Bouwer; Sarman; de Miranda; Miguel Nava; de  
medewerkers van S.A.B.A., San Pedro di Verona, afdeling Azalea

**De begrafenisplechtigheid zal plaatsvinden op dinsdag 18 januari 2022  
van 14:00 uur tot 16:00 uur bij Aurora Funeral Home en vanaf 16:00  
uur bij de begraafplaats te Santa Cruz.**

*Onze excuses als wij in ons verdriet iemand vergeten zijn.*

*Wij verzoeken geen condoleances na de begrafenis aan huis.*



# BONERIANO®

EDITOR:  
Bonaire Communication Services N.V.

Djaluna 17 yanüari 2022 | Preis: \$1.00

## KORTE TA RECHASÁ APELASHON DI BALFRAN

**FWNB ta bai regalá Nissan Kicks**



*Dia 11 di yüni Fundashon Wega di Number Boneiru (FWNB) ta bai selebrá su 30 aña di eksistensia. Den e kuadro aki ta organisá un aktividat kultural virtual i riba e fecha ta saka ganadó di un outo Nissan Kicks 2022. Foto ta mustra hendenan di FWNB huntu ku e outo ku nan ta bai rifa aki sinku luna. Den edishon di awe BONERIANO ta pone mas atenshon na FWNB su di seis lustro.*

**Boneiru sin  
hues  
komisario**

**CHANGAN AUTO**



**F70 4x4**

[f /dabboussimotors](#)

**xerox™**



**HAIR**  
BARBERSHOP

Hanchi lenks  
pabou di  
Gas Ekspress

Habrí 5 dia!  
Tel: +599  
788-2228 /  
+5999 529-  
2228

[f hair cut](#)

WiFi

[www.hairbarbershop.com](#)

**\$10 FREE  
SLOT  
PLAY**

Sign up for your **FREE** Player's Card  
and receive \$10 in **FREE** Slot Play!

Open Monday - Saturday 9pm to 4am | Sunday 7pm to 3am | (599) 717-3504  
[diviflamingocasino.com](#) | ATM available

**DIVI FLAMINGO  
CASINO**

**NAPA**

**35 AÑA**

**SIRBIENDO BONEIRU**





# No ta pèrmití bishita na Kas di Kuido

KRALENDIJK – No ta pèrmití bishita te ku prók-simo aviso na Kas di Kuido. A informá famia i personanan di kontakto di e habitantenan tokante esaki. Fundashon Mariadal den un komunikado emití den fin di siman ta anunsiá medidanan mas estrikto, relashoná ku e situashon di Covid-19.

Fundashon Mariadal ta pidi su pashènt i bishitantenan pa bisti tapaboka ora ku nan bin hòspital òf Kas di Kuido. Esaki pasobra na e situashon di Covid por kambia rápidamente. Si bo

no tin un tapaboka huntu ku bo, por haña unu na resepsion òf serka un empleado di siguridadat.

Mariadal ta supliká bishitantenan ku tin keho pa bin bèk ora nan no tin keho mas. Na entrada ketu bai ta puntra si bo tin keho. Lo pidi bishitantenan ku tin keho pa bini bèk na momento ku nan ta liber di sintoma.

E areglonan pa bishita na Kas di Kuido, Sentebibu 1 & 2 i Special Care ta lo siguiente:

- Poli: No ta pèrmití akompañò, a ménos

ku esaki ta estriktamente nesesario.

- Kas di Kuido: Te ku 25 di yanüari aviso habitantenan di Kas di Kuido no tin mag di risibí bishita. Despues di 25 di yanüari lo revisá e maneho di bishitante a base di e situashon.

- Sentebibu i Special Care: 1 bishitante pa dia pa kada pashènt ku no ta pashènt di Covid. Pashènt di COVID-19 no tin mag di risibí bishita.

- SEH (Ayudo di Emergencia): No ta pèrmití akompañò, a ménos ku esaki ta estriktamente

nesesario.

Pashèntnan di Sentebibu 2 tin mag di risibí bishita di 1 persona entre e orarionan stipulá mas abou. E entrada pa bishitante pa bai Sentebibu 2 ta na e parti nort di e edifisio kaminda ántes e entrada pa bai ‘Ka’i Mimina’ tabata. Na yegada e persona tin ku primi bèl, promé ku dun’é aksesu na e edifisio.

**Sentebibu 1, 2 inkluso kamber di parto:**

Máximo 1 bishitante pa dia pa kada pashènt.

Orario di bishita pa Sentebibu pa pashènt drumí

den kama 1 (banda di gang): 12:00-13:00 or

Orario di bishita pa Sentebibu pa pashènt drumí den kama 2 (banda di bentana): 18:00-19:00 or

Importante ta ku mester indiká adelantá tambe ken ta bin di bishita. No ta laga hende ku no ta riba lista dreña.

**Na Special Care:**

Máximo 1 bishitante pa dia pa kada pashènt.

Orario di bishita pa Special Care: 18.00 – 19.00 or.

*James Finies ta kritiká polis i hustisia*

## Atenshon pa fake-spiritu di Internèt i no na NKBB

KRALENDIJK – E movimentu ‘Nos Ke Boneiru Bèk’ (NKBB) ta keda straño pa e echo ku polis i hustisia na Boneiru ta konsentrá atenshon riba investigashon di menasanan ekspresá direkshon di algun mandatario, pero no ta investigá e denunsianan ku nan a hasi kontra e hòmber Clifford Frans. Frans na 2018 a kuminsá ta menasá hendenan di NKBB. Na 2018 i 2019 NKBB a duna keho, sin resultado. James Finies i Davika Bissesar di respektivamente presidente di NKBB i di Bonaire Hu-

man Rights Organization, ta trese dilanti ku despues nan a manda kartanan relashoná ku e afèr aki na hefe di KPCN Jossy Rosales. Ta bai tokante menasa, stalking i intimidashon kontinuo dor di Clifford Frans. “Nos a tuma nota e siman aki ku polis i fiskal pa medio di kobertura públiko via medionan di komnukashon a demonstrá prioridat haltu na e menasanan dor di un fake-spiritu di Internèt ku intervension i aresto na Boneiru i Kòrsou. Dikon boso kuerpo polisial, huntu ku kuerpo polisial di Kòrsou i RST di

Hulanda i Ministerio Públiko ta reashoná, investigá i arestá supuesto sospechosonan di e kasi di fake-spiritu Internèt riba media sosial dentro 4 luna, pero a tuma mas ku un aña pa polis tuma un keho/denunsia ofisial di nos i despues 3 pa 4 aña ainda no ta aktua riba e kontinuo di menasanan, stalking i intimidashon dor di Clifford Frans? Bida di polítikonan ta mas importante ku mi bida i di otro nan menasá pa Clifford Frans?”, Finies ta puntra. E akshonan polisial ta basá riba e resiente keho/denunsia dor di gezagheb-

ber Rijna i algun otro polítiko. “Nos a nota tambe ku sekretario di estado Knops a hasi deklarashonnan públiko riba esaki i ku despues a sigui un investigashon imenso masha kostoso, pagá pa nos pueblo su sèn di belasting. Investigashon dirigí pa identifiká supuesto sospechosonan di e afèr di spiritu di facebook, ku a hasi e polítikonan sinti nan inkomfortabel.” “No pa

malkomprondé meta di e karta aki i nos organisashon. Pero tuma nota ku nos ta para solamente pa protesta i akshonnan pasivo i di no-violensia, ku boso a eksperiensia boso mes komo polis, desde nos a bira aktivo den e lucha pa restorá i protehá e derechonan fundamental humano di outodeterminashon i demokrátiko di tur boneriano ku a violá i trapá na 10-10-10.”

## Awor sí Barbara a fayeresé

KRALENDIJK – Den BONERIANO su edishon di djabièrnè a sali publiká ku un di e fundadónan di Asilo di Bestia, Barbara van Olphen, a fayeresé, pero esaki no tabata e kaso na momentu di e publikashon. Pero djabièrnè anochi sí tabata asina leu. E hérue di Asilo di Bestia a bai sosegá.

Den un informe di Asilo

di Bestia a dediká atenshon i rekordá Barbara komo un persona ku a duna aporte grandi na eksistensia di e asilo.

E forma kon nan a redaktá e informe a pone ku hopi hende a komprondé ku e gran persona aki a fayeresé.

Barbara, un héroe di e asilo, tabata hopi malu, pero e no a muri na momentu ku

Asilo di Bestia Boneiru a pone atenshon n’e.

Asilo di Bestia djabièrnè den dia: “Barbara ta ketu bai na bida, pero lo no sobrebibí muchu mas. E ta kedando na Kas Flamboyant. Nos ta deseá pa hasi un korekshon chikitu di e notisia. Nos lo laga sa momentu ku ta asina leu, loke lo ta pronto.



Ku hondo pena Direktiva di MPB ta partisipá fayerimentu repentino di

**Orlando Kenneth Izaak Tjin Asjoe**

Mihó konosí komo, Lando Ruman di nos lider Elvis Tjin Asjoe



**Entiero ta tuma lugá djamars 18-01-2022 Ta risibí bishita di kondolensia na Nos Consuelo di 12’or pa 1’or di mèrdia. Despues kremashon ta tuma lugá den seno familiar.**

**Pas na su alma i forsa na Elvis i demas famia Tjin Asjoe.**



# Pèrmit ta sali mas lihé

KRALENDIJK – Diputado Hennyson Thielman, kende tin un aña den funshon di diputado, ta hopi kontentu kon e proseso di digitalisashon a kana den gobièrnu. “Digitalisashon a duna su fruta. Si promé mester a warda hopi pa pèrmitnan sali, awor esaki ta sosodé hopi mas lihé”, e diputado a bisa.

Diputado Thielman ta invitado den e programa ‘Aktualidat’ na Bonaire. tv awe merdia diesdos’or, ku ripitishon durante tres dia na diferente orario. E ta konvensí ku e aña ku

a transkurí tabata un aña durante kua hopi a sosodé riba tereno gubernamental, por ehèmpel riba tereno di digitalisashon. “Pa basta tempu kaba mundu a desarojá bai un otro direkshon i tòg gobièrnu a keda mará na tempu kaminda tur kos mester ta riba papel, loke no tabata ku e meta di servisio na e kliente. P’esei mes mester kuminsá kambia e mentalidat ei. Gobièrnu t’ei pa sirbi, pa wak kon por hasi bida di e siudadano mas fásil i mas kunbiniente, anto ku digitalisashon a dal e stap ei”, diputado Thiel-

man a bisa.

Diputado Thielman a indiká ku awor por ehèmpel por entregá petishon pa un pèrmit di konstrukshon ‘online’ i mesora ta haña un number di registrashon i no mester warda mas te ora e karta sali for di gobièrnu. Thielman: “A kuminsá promé ku esun di pèrmit di negoshi i te na novèmber tabatin 500 petishon ku a bai via di e sistema aki. Pa e parti di traha afsprak via di Registro Sivil, tabatin alrededor di 9 mil hende ku a hasi uso di e sistema ei te ku novèmber.” “Tin kos ku



**Bòl Antoin di Bonaire.tv den e entrevista ku diputado Hennyson Thielman ku ta kuminsá pasa awe. E ta papia riba hopi mas kos interesante.**

mester drecha den e servisio ku ta duna, loke ta tuma su tempu, pero esei tabata un paso grandi ku a dal aña pasá pa sòru ku e ser-

visio ku gobièrnu ta duna en general ta mas rápido i kumbiniente pa e kliente”, segun e diputado.

## Boneiru sin hues komisario

KRALENDIJK – En trante e siman aki Boneiru no tin un Hues Komisario. Despues di a traha 1,5 aña na Boneiru hues mr. J.A. van Voorthuizen ta bandoná nos isla. Ainda no tin un remplasante figo pa e funshon aki.

### Tarea hues komisario

Hopi bia un siudadano no ta para ketu na e importansia di un hues komisa-

rio durante kasonan penal. Praktikamente ta e hues aki ta supervisá progreso di un investigashon penal. Tambe si esaki ta legítimo.

Durante un investigashon preliminar e ta tuma desishon si un sospechoso mester keda den aresto preventivo òf nò. E ta interrogá tur partido ku di un manera òf otro ta involukrá den un echo

kastigabel. Tambe e tin ku outorisá polis i Ministerio Públiko pa por ‘tap’ telefòn di un persona. Por konkluí ku e hues komisario no ta atendé ku huisio pero e ta sòru pa tur informashon ta disponibel pa e hues ku sí ta atendé e huisio penal.

### Remplasante

BONERIANO tin informashon no ofishal ku

abogado mr. Matthijs van Dijk di bufèt Van Dijk Soliana Bonapart & Aardenburg ta e kandidato pa bira hues komisario.

Segun korte di hustisia esaki no ta kuadra. “Den pasado a papia kuné si. Mi no tin mas splikashon pa esaki na e momentunan aki”, Geritza Fermi ta splika. E ta mèneder di korte na Boneiru. Tin ku

remarká ku mirando e tareanan di un hues komisario ta lògiko pa asumí ku e mester tin sufisiente konosementu di lei penal. Si korte di hustisia ta buska un hues komisario figo, probablemente lo aserká abogadonan ku ta praktiká lei penal. Segun Fermi por lo pronto huesnan di Kòrsou lo trata e interrogashonnan di e hues komisario.

*Daisy Coffie tokante deklarashon di e mandatario:*

## Supuesto ‘vishon’ di Kroon nunka a yega Konseho Insular

KRALENDIJK -- Ku asombro konsehal Daisy Coffie a tuma nota di deklarashonnan di diputado P. J. Kroon den medionan sosial, den kua e ta indiká ku mester pensa pa duna e tereno di BOPEC otro destinashon. E ta motivá su pensamentu entre otro a base di e supuesto ponensia ku lo no tin interesado pa kontinuá ku operashon di almasenahe di produktonan petrolero i tambe ku mi-

rando ku Boneiru a skohe pa ‘blue destination’, un almasenahe di produktonan petrolero lo no ta kuadra den e vishon ei. Coffie: “Mas asombrá mi a keda, ya ku tantu Kolegio Ehekutivo, Konseho Insular, Diálogo Sentral, den kua tantu e organisashon di dunadónan di trabou komo sindikalismo semper a boga pa tene BOPEC habrí i kontinuá ku e operashon, mirando e benefisionan ekonómiko, sosial

i finansiero ku esaki lo tin pa nos isla. E deklarashon di BOPEC bankarota tabata tambe ku e mira pa trese klaridat i asina mas lihé posibel logra un kontinuashon di e operashon.”

“Tambe a asombrá mi persona ku e supuesto ‘vishon’ nobo di e diputado òf Kolegio Ehekutivo aki nunka a keda presentá na Konseho Insular komo parti di e programa di gobernashon aktual, miéntras ku e di tres

reportahe di e ‘curator’ ta kontradesí totalmente e ponensianan di e diputado, esta ku no tin interes pa operá e fasilidat. Al kontrali e reportahe ta indiká ku tin hopi interes i ku ta netamente Kolegio Ehekutivo tin ku karga su responsabilidad den esaki pa asina duna mas garantia na esnan interesá pa bin ku proposishonnan konkreto pa tuma e operashon”, Daisy Coffie ta remarká.

Segun Coffie, ta di lamentá ku apesar di tantísimo korespondensia di parti di su persona pa ku e kaso di BOPEC, kaminda no ménos ku 400 hende a pèrdè trabou, Kolegio Ehekutivo, fuera di a pone 250 mil dòler pa paga salario di e kuerpo di trahadónan ku a keda pa vigilá e seguridat di e fasilidat, no a hasi ningun esfuerso konkreto pa mantené e operashon di e fasilidat.





# EDITORIAL

## Hustisia ta den kuido intensivo?

Ta un lástima ku den un estado di derecho, komo siudadano, bo ta haña e sentimentu ku hustisia ta den kuido intensivo. Ku outoridat ta kometé eror ku tin konsekuensianan doloroso pa esnan ku ta habitá e isla aki.

Riba 15 di yanüari 2020 un dama hulandes oropeo tabata kore outo ku velocidat haltu na momentu ku el a alkansá un otro outo. E aksidente aki a okashoná morto di Theresa Carillo Carderon. Despues di esaki famia a kuminsá un bataya kontra outoridat pa por haña hustisia na memoria di nan ser kerí.

Ministerio Públiko tin loke por yama e monopolio pa por persiguí un siudadano. Pues kada un di nos mester konfia riba e sano huisio di e fiskal. Sano huisio pa por lo ménos inisiá un investigashon na momentu ku tin indikashonnan fuerte ku un echo kastigabel a tuma lugá.

Den e kaso aki no solamente tabatin indikashonnan fuerte, pero famia di e víktima praktikamente a roga e fiskal pa hasi investigashon. E kasá di e víktima ta para riba ku e fiskal a nenga i ainda mas a hasi tur posibel pa no bin un investigashon. Tantu polis komo Ministerio Públiko a laga famia di e víktima na kaya.

Despues ku e kasá riba su propio forsa a trese un eksperto fo'i Hulanda pa hasi investigashon, outoridatnan no por a skonde mas. Nan tabata obligá pa kuminsá un investigashon ku a bin kulminá den korte, den kua hues a kondená e shofùr pa morto dor di su culpa.

Ironia ta, ku e persona a apelá su kondena i su defensa ta praktikamente e echo ku Ministerio Públiko na inisio no a persiguié. Su palabranan ta bon kla. “Pa lunanan largu Ministerio Públiko, polis i asta Ofisina pa Yudansa pa Viktima a bisa mi ku mi no ta kulpabel di nada i awor ke kondená mi.”

No por deskartá e impreshon ku ta hipokresia, na momentu ku e prokuradó general a para boka yen i bisa: “Tur hende den nos organisashon i polis ta bisa ku no por kore duru riba e kaminda ei.”

Awor ta bisa esaki? Unda tur e hendenan aki tabata durante e lucha ku e kasá a hiba mas ku 1 aña ku Ministerio Públiko i polis?

Hende ku ta traha ta kometé eror' Esei ta un echo.

Den e kaso aki un eror signifkante ku klaramente a hasi daño emoshonal na hende. Na lugá ku e famia aki por a trata ku e tristesa ku morto di nan ser kerí a kousa, nan mester a lucha pa outoridatnan tuma e situashon na serio.

Komo pueblo nos mester para ketu na e pregunta: “Kiko lo a pasa si tabata Buchi Wan su kasá a fayesé? Buchi Wan sin e medionan pa por kuminsá su propio investigashon, pero ku ta konfia ku OM ta sali p'e? Nos mester aseptá ku investigashon nunca lo a tuma lugá? Nunca e víktima lo a haña hustisia?”

Esaki sigur no ta atake personal. Pero un fiskal ta parti di e totalidat di Ministerio Públiko, ta é ta tuma desishon. Remarkabel den e kaso aki ta, ku durante e promé huisio e fiskal a bisa den korte ku e no sa dikun su kolega di e tempu ei no a persiguí e akusado. Último bia despues di apelashon un otro fiskal ta bisa e kasá di e víktima atrobe ku e tampoko no sa dikun a tuma e desishon pa no persiguí.

Nos sa ku tin rumornan persistente ku e fiskal di e tempu ei tin amistat estrecho ku famia di e sospecho. Nos tin ku kuestioná e echo ku Ministerio Públiko nunca a duna un deklarashon ofishal tokante esaki. Si niun hende no por komprondé dikun un fiskal a tuma e desishon eróneo aki, no ta bin un investigashon interno? E fiskal en kuestion miéntrastantu no ta na Boneiru mas, pero ya e daño ta hasí. Pa e famia aki e konfiansa den outoridat sigur a tambaliá. Nos no por ignorá e bos emoshonal di kasá di e víktima ora el a bisa: “Mi ta puntra mi mes si e hulandes oropeo tabata e víktima i mi kasá e shofùr, e situashon lo tabata meskos?”

Un pregunta ku nos tambe ta hasi. Parse ku nos tera di solo i suave bientu tambe konosé desigualdat ku ta tambaliá nos konfiansa den esnan ku tin komo meta pa salbuardiá nos derechi.

Na nos opinion ta sumamente importante ku kada siudadano di e isla aki ta konsiente ku ta e mes mester ta pro aktivo i krítiko ora ta trata di su derechi. Konfia un instansia ku e tin bo bienestar na pechu ta bon. Pero konfiansa den un instansia siegamente? Nunca! No por lubidá ku ta hende ta traha, ku nan propio bista riba un situashon, nan propio agènda i ku por kometé erornan ku konsekuensianan ku por yega hopi leu.



Orlando Tjin Asjoe ta nos ak-  
tuprimu. Su mama Elvia, ku  
semper nos a yama Chichi, ta  
mi prima di mas yegá. Komo  
ku nan a biba banda di nos  
kas mi a lanta hopi pegá ku  
e famia aki. Lando a fayesé  
djaweps 10'or di mainta riba  
mesun dia ku su mama a  
kumpli 87 aña di edat.

\*\*\*

Chichi su esposo, Eugene  
Tjin Asjoe, ta di Sürnam. Nan  
tabata yam'é Chen (Tjin). Mi a  
lanta hañ'é kaba na Boneiru  
ta traha na fábrica tekstilero  
di Boneiru. Promé nan taba-  
ta biba te den sùit di Antriol,  
banda di e edifisio ku tabata  
lòndri. Despues nan a bin  
biba pegá ku nos kas i tambe  
e kas di mama di Elvia, mi  
tanta, Tan Keta.

\*\*\*

Nos a lanta hopi pegá ku  
famia Tjin Asjoe-Nicolaas. E  
fam Nicolaas ta prosedente di  
Nort di Saliña. Welo di Chichi  
tabata Willem Nicolaas. Tata  
di Elvia tabata Bernardo Nico-  
laas, kasá pues ku mi tanta  
Enriqueta Ilario. M'a konosé  
Lando i Elvis komo mucha.  
Nan ruman muhénan Mary i  
Elsje ta masoméanos mi edat.

\*\*\*

Lando semper tabata un mu-  
cha spesial i apart. Mi no por  
splika masha bon kiko mi kier  
men ku spesial presis. Bo por  
a ferwagt tur kos serka dje.  
Nos tabata yama otro Chònfu.  
Dikon? Un dia Lando a yega  
serka mi ku e 'gran notisia' ku  
e por traha klapchi di kadu-  
shi. M'a keda straño. Nunka  
m'a tende algu asina. Mi a  
puntra Lando kon bini e sa ku  
por traha klapchi ku kadushi.  
El a splika mi ku tempu ku e  
tabata na Kòrsou el a topa ku  
un chine yamá Chong Fu, ku  
el a mira traha pòlbu di klap-  
chi. E tabata kòrta kadushi,  
lag'é seka den solo, i despues  
mula esaki. Esei ta e pòlbu pa  
klapchi.

\*\*\*

Un dia nos a bai na kunuku di  
mi tanta, su wela, ku nan ta-  
bata yama Dada, pa bai traha  
pòlbu di kadushi pa nos traha  
klapchi. Ora nos a kaba kap i  
kita sumpiña for di e kadushi-  
nan, Lando a bisa ku ta gaña  
el a gaña. Fo'i dje dia ei nos  
a kuminsá yama otro Chònfu.

\*\*\*

## Pa motibu di mal trabou di abogado: **KORTE TA RECHASÁ APELASHON DI BALFRAN**

**KRALENDIJK** – Mal  
trabou di abogado mr. Eis-  
den a pone ku Korte Ko-  
mun di Hustisia a rechasá  
apelashon di Sylvio B. di  
e kompania Balfran, metí  
den iregularidatnan señalá  
na Bonaire Oil Trading.  
Djabièrnè 14 di yanüari  
último B., ku tin un kon-  
dena pa labamentu di plaka  
i malversashon, a presentá  
dilanti 3 hues pa tratamentu  
di su apelashon. E inten-  
shon ta pa wak si korte lo  
aseptá òf rechasá e ape-  
lashon di B.

Abogado mr. Marie-Jose  
Eisden di bufèt True Law-  
yers di Kòrsou a representá  
Sylvio B.

Mr. Peter van Dort ta e  
abogado di e kontrapartido.  
Ámbos abogado a presen-  
siá e huisio via konferensia  
di video. Praktikamente a  
bin diskushon pa motibu  
ku e abogado di B. a ape-  
lá serka griffie na Kòrsou.  
Miéntas ku lei ta bisa ku  
mester apelá na e hurisdik-  
shon ku Korte den Promé  
Instansia a trata i sentensia  
e kaso, pues serka griffie di  
Boneiru.

### **Kondena i apelashon**

Riba 9 di dezèmber

2020, Korte den Promé In-  
stansia a kondená Sylvio  
B. na un kastigu di prizòn  
kompletamente kondi-  
shonal di 1 aña i kastigu di  
trabou di 200 ora. Tambe  
e mester paga un but di  
30.000 dòler i 27.931 dòler  
na daño i perhuisio.

B. i Ministerio Públiko  
tabatin 14 dia pa apelá e  
sentensia. Konsekuente-  
mente B. a duna di konosé  
na su abogado ku e ke ape-  
lá.

### **Pandemia**

Mr. Eisden ta splika  
korte ku tabata nèt den e  
periodo di basta inserti-  
dumbre pa ku e pandemia.  
A kanselá buelonan pa Kòr-  
sou i e no tabata bakuná.  
Tur esaki a hasi difisil pa e  
por a yega Boneiru pa en-  
tregá apelashon na e griffie  
aki. Pues el a aserká un ko-  
laboradó di griffie di Kòr-  
sou pa un solushon.

Despues di a splika e  
situashon e kolaboradó a  
entreg'é un 'template' ku el  
a konsiderá un dokumentu  
legal. Riba e dokumentu aki  
e abogado a apelá e senten-  
sia serka e kolaboradó na  
Kòrsou. Despues el a risibí  
mensahe di e kolaboradó

bisando ku e lo manda e  
apelashon pa Boneiru. "Mi-  
rando ku ta trata di un or-  
ganisashon komun i chikí,  
mi a asumí ku lo komuniká  
esaki", e abogado ta splika.  
Tambe e ta menshoná ku  
segun Lei di Reino esaki ta  
posibel.

Tabata opvio ku e abo-  
gado ta konsiente ku su eror  
por kosta su kliente e dere-  
chi di apelá su sentensia.  
Na mesun momentu e tres  
huesnan tabata basta fuerte  
i sin kompreshon pa e akto  
di e abogado aki.

### **Solushon kreativo**

Presidente di korte, mr.  
Carmelia ta enfatisá ku ta-  
batin otro opshon pa por a  
apelá na Boneiru mes. Por  
ehèmpel pa medio di un  
otro abogado riba e isla.  
"Esaki ta un kaso delikado  
i mi kliente ta un hòmer di  
edat avansá. Mi mes tabata  
ke sostené", mr. Eisden ta  
splika.

Hues a dirigí palabra na  
B. "Dikon abo mes no a bai  
personal i apelá?"

"Mi a laga tur kos na mi  
abogado", B. ta kontestá  
opviamente emoshonal. Por  
nota ku henter e situashon  
aki ta basta duru pa B.

Huesnan a desaprobá e  
aktitut di e abogado pa a  
akudí na e kolaboradó di  
griffie pa un solushon en-  
bes di sigui otro opshonnan  
mas fásil.

### **No tin eksepsion**

Pa prokuradó general lei  
penal tin reglanan klaro i  
no tin eksepsion. "Mr. Eis-  
den ta pint'e di tur manera.  
Pero mi ta konstatá ku el  
a tuma un desishon robes.  
Tabatin otro alternativa fá-  
sil pero e abogado a skohe  
pa ta kreativo." Ministerio  
Públiko ta persistí pa Korte  
rechasá e apelashon.

Korte a dirigí palabra na  
abogado mr. Eisden. "Bo ta  
un konsehero ku a siña lei.  
Bo sa ku mester a apelá na  
Boneiru. Bo a duna dife-  
rente motibu pa keda sin  
hasi esaki. Bo ta papia di  
lei di Reino, esaki no ta re-  
levante den e kaso aki.

Bo por a laga Sylvio mes  
apelá òf outorisá un kolega  
pa hasi esaki. Ta bo fayó."

Korte Komun di Husti-  
sia a rechasá e apelashon  
di Sylvio B./ Balfran n.v.  
Denter di 14 dia por por bai  
den kasashon na Korte Su-  
premo na Den Haag.

*Diputado Hennyson Thielman:*

## Prioridat pa atendé petishon pa negoshi

**KRALENDIJK** –  
Gobièrnu di Boneiru, awor  
ku e proseso di digita-  
lisashon ta riba trayekto,  
awor ke bai duna prioridat  
pa atendé petishonnan pa  
kuminsá ku negoshi, pa asi-  
na ekonomia por drai. Por  
ehèmpel petishon pa ku-  
minsá ku negoshi normal-  
mente ta dura ocho siman  
pa hañ'é. Ta e término ku  
lei ta duna.

Diputado Thielman a spli-  
ka ku, pa medio di e siste-  
ma nobo, mester ta mas fá-

sil pa e kliente i tambe pa e  
kana mas rápido den henter  
e proseso. "Awor aki dentro  
di dos pa seis dia e hende  
ta haña su pèrmit di negoshi  
loke ta nifiká ku e por ku-  
minsá hopi mas rápido. Aki  
ta mira ku e parti di digita-  
lisashon ta yuda pa henter e  
proseso kana mas rápido."

"E stap di mas difisil  
den henter e proseso ei ta  
pa haña hende bai huntu ku  
den e desaroyo ei. Hende  
hopi biaha ta kustumá na

un sierto manera di atendé  
kos. Ora e ta konfortabel  
el a kustumá i ke mantené  
esei, pasobra e ta konforta-  
bel kuné. Momentu ku bini  
ku kosnan nobo, ta haña  
hopi resistensia, pero dor  
di pone preshon, e hende  
ta bòltu", segun diputado  
Thielman.

Diputado Thielman a  
sigui bisa, ku dor di ku-  
minsá traha ku e sistema  
un par di tempu i kustumá  
kuné, despues e hende mes


ta bira embahador di e pro-  
gramanan.

Pa loke ta trata e parti  
di petishon di tereno, esei  
awor tambe ta digitalisá.  
Pero tin un kos, por digita-  
lisá e parti di petishon, pero  
mester sòru pa e terenonan  
sali tambe, sino e sistema  
mes no ta bai traha e ora ei.  
E sistema ta yuda sí pa tin  
un mihó bista.

Esei sigur ta un proyekto  
ku aña pasá dal un bon stap  
riba dje.



# MADAM X



## DI TUR UN TIKI

Boso sa hopi kos kaba di mi. Mas ku mi mes. Ku mi ta un muhé divorsiá. Ku mi tin mi Chris aya na Hulanda ku ken m'a bai Paris. Den ki kaya mi ta biba. Mi no sa si mi a konta boso tambe ku mi tin yu i asta dos nietu. Boso a konosé kaba diferente di mi amiga i amigunan, tantu na Boneiru komo Hulanda. Ku mi tin un besina Jerry ei ku tin un bista riba dje i ami riba dje. Etc etc.....

Esnan inteligente entre boso mester a komprondé kaba ku nòmber di tur e personahenan den mi novela di bida ta fiktisio, kreá, inventá. No por otro tampoko. Nos ta biba riba un isla chikitu, kaminda tur hende konosé otro. Si mi mester pone nòmber real, no solamente kolon, sino henter nos kolonia hulandes aki den Caribe mes lo ta na kandela. I lo no tin sufisiente brantspeit pa paga kandela.

Mi ta usando e nòmber fiktisio Madam X. Masha tiki hende sa mi nòmber real. Dos hende na redakshon di BONERIANO, ku ken mi mester keda den kontakto pa ora ku Bòl no ta disponibel, nan repasá mi teksto. Di mes Bores tambe sa ken mi ta. Mas aleu solamente ún amiga ku mi stima 'sumamente hopi' i ku si mi tabata hòmbler lo mi no a duda pa kasa kuné. E tambe ta divorsiá, meskos ku mi. Asta mi ta hunga ku e idea pa hasi un operashon pa bira hòmbler, pa asina nos por kasa sin ku kaya ta bai papia muchu.

Siman pasá mi tabata ketu despues di e halá ku m'a duna Swinda aya na Hato, despues ku el a bisa ku mi outo Yaris di añanan nobenta ta dañá imágen di su kas luhoso ora ku mi ta di bishita serka dje. Kiko el a kere? Mi no a tende nada mas di dje despues di publikashon di mi letania den BONERIANO. E siman aki mi ta bai trata na wanta di awe te ku djabièrnè ku mi kolumna. Kisas Katan lo supstituí un òf dos biaha. Mi tin palabrashon kuné. Mi ta pendiente di dje.

Motibu di mi ousensia siman pasá tabata pasobra mi tabatin diferente ko'i hasi. M'a bai tuma mi bustershòt, mester a bai atendé algun asunto di belasting, hasi bishita di kondolensia na famianan di un defuntu ku m'a konosé bon, sali bai kome ku Dorothy, un amiga di Kòrsou ku ta algun dia di bishita na Boneiru, hasi kontròl na mi dòkter di kas.... Basta ko'i hasi. E siman aki ta mostra mas trankil. Pues laga mi trata pa no disparsé e siman aki fo'i BONERIANO. Mi tin hopi kos di konfia riba papel. Hopi ko'i konta. Pero.... laga sobrá pa ocho dia!

*Programa di Profeshonal Motivá*

# Interes pa 'Na mesa'

KRALENDIJK – Relashoná ku e aktividatnan di Profeshonal Motivá, Damaly Linkers durante e programa Aktualidat na Bonaire.tv, a splika e promé aktividat di Profeshonal Motivá ta 'Na mesa', ku ta un mesa di diálgo.

Linkers: "Loke mi tabata sinti falta di dje ta un mesa kaminda por dialogá tokante tur tipo di tema, temanan ku hopi biaha nos ta haña difisil i no ke papia di dje, pero ta drai rònt di dje. Un dado momentu mi a bisa ku mester bini ku e mesa aki, pasobra tin interes. Dependé e tema, ta wanta e grupo mas tantu posibel chikitu pa sa ku ora kompartí algu e ta keda den e seno ei i tambe pa por amplia riba dje."

Loke ta trata pone riba mesa ta kosnan aktual ku ta pasa den komunidad, proyektonan i ideanan ku hende tin di e moda ei ta purba kompartí eksperensia di tur hende ku tin sintá

na mesa i asina ei ta logra agregá algu na konosementu di esun otro ku tambe tei na mesun motivashon, Linkers a trese dilanti.

Na su manera di pensa, di akuerdo ku Linkers, ora bo ta strès riba kiko hende ta pensa, bo ta bai limitá bo mes i tuma pasonan, pasobra bo ta hasié pa hende. Nos ta mir'é hopi den nos kultura i e ta den nos papiá tambe. Por drai esaki i bisa 'kiko esaki ta nifiká pa ami'.

Linkers a sigui bisa, nos tur tin nos kaminda ku nos tin ku kana i por bai hasi kos ku otro hende ta spera, pero e ta bira presis manera e otro hende. Pero si un hende ta curioso na algu nobo, e mester tin e kurashi pa laga e bèrgwensa ei un banda i purba algu nobo.

Anto p'esei Profeshonal Motivá nos ta purba pone tipo di temanan asina riba mesa pa realisá komo ser humano ku nos ta sinti ku tin emoshonnan kaminda nos

ta reakshoná di tal manera i ora sinta pensa ta pensa di kon. Pero ora papi'é, e ta bira hopi mas fásil pa aseptá pa bo mes, pero pa bo sigui tambe, anto esei ta e motibu ku hopi hende a pasa momentu di preshon, pasobra nos ta laga e bèrgwensa i e miedu dominá nos. Si nos laga lòs, e ta bira un kaminda hopi mas fásil i ta duna nos e libertat pa deskubrí hopi mas kos, segun Linkers. Loke ta hasi den e programa aki kada biaha, di akuerdo ku Linkers, ta ora un hende bisa ku algu ta imposibel, en realidat ta pensa kon pa hasié posibel. Ta purba ta loke ta prediká.

Desiree Frans, pa loke ta trata e promé tema di 'Na mesa', a bisa e promé tema tabata bèrgwensa ku ta algu ku nos tur ta sinti, pero ku tiki hende ta riska papia di dje. E ta algu ku no solamente por stroba e kresementu profeshonal, pero tambe personal.

P'esei a bini riba e idea

pa pone un di e emoshonnan básiko ku ta e bèrgwensa den lus i bai den diálgo ku otro. E ta un emoshon mas normal, pero kon mester hasi pa e no strobá bo

den bo kresementu i kon bo ta duna otro hende tambe e espasio di sinti loke nan ta sinti i no husga, pero ta un faktor di sosten pa e persona, Frans a bisa.

*NKBB ta denunciá*

## No a aktua riba denuncia di Rudy Domacassé

KRALENDIJK – E movimentu 'Nos Ke Boneiru Bèk' (NKBB) a manda pa medionan di komunikashon un denunciá ku siudadano Rudy Domacassé tambe a hasi kontra Cliff Frans. Ku esaki aparentemente nan ke laga komprondé ku tin mas hende ku ta víktima di menasa, instigashon i stalking di parti Cliff Frans.

"Rudy Domacassé den programma di NKBB presentá pa James Finies na radio PlayFM 97.1, tené di 6'or pa 7'or di anochi di djaluna pa djabièrnè, riba fecha 3 òktober último a

deklará publikamente ku sr. Frans despues di e último biaha ku e tabata den programma dia 22 di ougùstùs, un dia despues Frans a aserk'é i asta persiguié pa papia kuné. Frans a bisa ku e mester papia kuné, pasobra el a papia den programa di radio serka James Finies. Sr Frans a tuma hopi tempu di dje i a purba splika ku e ta kontra i mas kos.

Yen di pensamentu, pero Domacassé a splika ku no tabata dje komprendibel kiko Sr Frans tabata ke òf dikon", segun informemanda pa Finies di NKBB.



# Adra Food Pantry sirbiendo komunidad ku amor i dedikashon

KRALENDIJK

ADRA Bonaire, e agensia humanitario di Iglesia Adventista, ta sirbi komunidad di Boneiru ku dedikashon i amor atraves di ADRA Food Pantry desde 2014, ku sosten i supsidio di Entidat Públiko Boneiru. For di prinsipio di e programa, ADRA a krea un netwerk fuerte ku partner lokal pa duna seguridat di kuminda i asina mitigá pobresa, mientrastantu e instansianan ku ta partner den e programa ta duna guia pa e beneficiario por bai dilanti den bida.

## Èkstra pakete

Durante aña 2020 i 2021, kaminda e krisis kousá dor di Covid19 a resultá den mas nesidat dentro di e komunidad, e tim di Food Pantry, bou di maneho di Edward Sedney, a hasi tur esfuerso pa distribuí èkstra pakete di komestibel, kaminda famianan mas vulnerabel a risibí dos pakete tur luna.

Na fin di aña 2020, MCB Bonaire a rekonosé e bon trabou di ADRA Food Pantry pa komunidad, dor di otorgá Food Pantry e pre-



mio di mérito anual.

Ku sosten di Entidat Públiko Boneiru, ADRA Food Pantry por ofresé su kliente tur djaweps berdura fresku i saludabel. Food Pantry ta operashonal tur siman dor di e trabou inkansabel di un tim di boluntario ku ta hasi nan trabou ku hopi dedikashon i amor bou di guia di Edward Sedney.

## Desafio

Pa ofresé tur produkto básiko den e pakete, tin biaha ta forma un desafio ora tin skarsedat di sierto produkto na Boneiru. Direktiva a komprondé di Sedney ku tin biaha ADRA Food Pantry mester kumpra por ehèmpel suku òf hariña den pakete por mayor, pa

despues midi i yena saku pa bai den e makutu.

Pa motibu ku no tabatin sufisiente produkto i pa evitá distribushon di pakete di komestibel mitar yen, maneho di ADRA Food Pantry a skohe pa no habri su porta siman pasá, djaweps 6 di yanüari.

Direktiva di ADRA a komprondé ku a informá e instansia ku nan kliente tabata na turno pa pasa tuma nan pakete di komestibel, debidamente dor di e maneho di Food Pantry. Algun kliente ku no por a alkansá na telefòn a bin tòg i a haña e porta será.

Direktiva di ADRA ke ekspresá su diskulpa na e klientenan ku a haña e sorpresa desagradabel. A buska solushon interno huntu

i ku akuerdo mutuo entre direktiva i maneho di Food Pantry ADRA, lo hasi su máksimo esfuerso pa evitá ku un situashon asina ta ripití.

## Deseo

Ta e deseo di ADRA pa sigui koperá i benefisiá komunidad di Boneiru durante e aña nobo nos dilanti, kumpliando komo agensia humanitario ku e propósito pa sirbi humanidat pa tur por biba segun Dios a deseá.

Djarason 12 di yanüari e benefisiarionan ku a keda perhudiká siman pasá, a risibí nan pakete kompletu i djaweps 13 di yanüari Food Pantry a habri bèk pa kliente di e instansianan ku ta na turno.





# LUCHA OBRERIL (34)

Pa: Bòi Antoin



Dia 22 di novèmber 1966 ta un fecha importante den historia di Boneiru. Gobernador di Antia Hulandes e tempu ei, e boneriano Nicolaas Debrot, ta pone su firma di aprobashon pa lantamentu di e promé federashon sindikal di Boneiru: Algemene Federatie van Bonairiaanse Werknemers (AFBW). Promé ku e fecha ei e sindikato di ámtenar ANAAB tabata aktivo na Boneiru for di Kòrsou. E organisashon Don Bosco, tambe for di Kòrsou, tabata sirbi interes di maestronan di skol. Pero e lucha di e trahadó boneriano ta bai hopi mas leu den historia. Den un seri di artíkulo BONERIANO ta pone atenshon na lucha di trahadónan boneriano.

## BOPEC

Humphrey Wout (AFBW) i Avelino Cecilia (FEDEBON) tabata e dos úniko lidernan (presidente) sindikal di importansia na Boneiru den e promé mitar di dékada setenta di siglo pasa. FEDEBON a tarda un tiki pa move, pasobra a dura hopi tempu promé pa gobièrnu aprobá su statuto.

Wout tabata e sindikalista mas prominente, presidente di AFBW, ku tabata representá kompania i instansianan grandi manera OGEM (WEB), CAMBES, Stichting Ziekenverpleging en Bejaadenzorg Bonaire, Bonbocemi, kompanianan di famia Gerharts, AISCO i algun kontratista na BOPEC,

Kramer i Chicago Bridge.

Na luna di sèptèmber 1975 BOPEC a bira operashonal. Humphrey Wout ta haña un trabou, bon pagá, na e terminal petrolero. E ta tuma su retiru komo operator na Radio Nederland Wereldomroep huntu ku mas trahadó, manera Alfred Nicolaas, Patrisio Thomas i Whitney Rudolf.

Wout a logra haña trahadónan di BOPEC su tras pa AFBW pidi rekonosementu serka gerensia di e empresa petrolero, formá pa e kompanianan Paktank di Hulanda i Northville Industries di Estados Unidos.

Den kuminsamentu no tabatin masha problema ku e miem-



**Diferente sindikalista di BPWU na selebrashon di lustro di e sindikato. Di robes pa drechi: Bano (Pancheis) Flores, Alvin (Mou) Trinidad, Piet Clarendia, Patrisio Thomas, Harold Sint Jago, Jantje Landwier.**

bronan di AFBW na BOPEC, despues di tempu sinembargo ta surgi problema i malkontentu. Un grupo di trahadó no tabata kontentu pa e forma kon direktiva di AFBW, ku sosten di CFW, tabata atendé nan interesnan. Nan tabata haña ku Wout tabata bou di influensia di gerensia di BOPEC, pa motibu ku el a haña trabou na e kompania. Ta bini broyo na BOPEC.

## Jopi Abraham

Un persona ku a hunga un ròl importante den e broyonan na BOPEC durante 1975 pa 1979 tabata Johan Evert (Jopi) Abraham, ku a bin traha na Boneiru pa Plan D2 i despues ta bira hefe di Departamentu di Asuntunan Sosial i Labor di Gobièrnu Sentral riba e isla aki.

Konstrukshon di e kompleho di BOPEC tabata hopi avansá kaba na momentu ku Jopi ku su esposa Anneline i e yunan Julio i Angeline ta yega Boneiru. E famia a bai biba den e kas di famia Abraham banda di restaurant Zeezicht.

Reputashon di Jopi komo ak-

tivista sosial a kana dilanti i no a dura muchu ku un grupo di trahadó na e terminal di zeta a aserk'é pa yudansa. Interes di e trahadónan tabata mihó sirbí

pa un sindikato netamente boneriano i no pa un sindikato (AFBW) den kua lidernan sindikal di Kòrsou tabata disidí. Un grupo di trahadó di BOPEC no tabata kontentu ku e situashon.

Jopi a tuma e desishon pa funda un sindikato nobo: Bonaire Petroleum Workers Union (BPWU). El a hasi uso di un lei ku a drenta na vigor despues di lantamentu 30 di mei 1969 ku ta duna oportunidat na trahadónan den un kompania, pa medio di un referèndem, skohe e sindikato ku ta nan representante.

## BPWU

Djasabra 10 di yanüari 1976 a lanta BPWU durante un reunion general. Pues masoménos kuater luna despues di e apertura ofisial di BOPEC. E direktiva eligí e dia ei tabata konsistí di Jopi Abraham komo presidente, sekretario Adi Everts, Ignacio



**Jopi Abraham riba un foto di archivo huntu ku algun pionero di BPWU. Di robes pa drechi Moi Semeler, Jopi, Jantje Landwier, Ewald Abdul, Harold Sint Jago i Patrisio Thomas.**

# E página aki ta patrosiná pa sindikato AFBW





(Nacho) Pietersz komo tesoro, miembronan L. Mariana i Richard Finies.

Den un deklarashon di e bont nobo, nan a mostra di tabatin mayoria trahadó di BOPEC organisá i e mesun siman ei nan lo bai aserká gerensia di BOPEC, dirigí pa drs. Theo Tijsen, pa pidi rekonosementu.

BPWU a ekspresá e speranza ku nan lo tin bon koperashon ku minister di Asuntunan Sosial, ku tabata den e dlanan alabes minister interino di Hustisia. Tur kos tabata den su man pa aprobá e sindikato.

AFBW tambe tabata pretendé ku nan tabatin mayoria di BOPEC nan tras. Pues lo mester a bini un referèndem na e kompania.

Un detaye interesante ta ku Ewald Abdul tambe tabata huntu ku e grupo di trahadó ku a lanta BPWU, loke a provoká basta reakshon den seno di AFBW.

### **Traishon**

Dia 26 di mei 1976 BPWU a saka un pamflèt atakando AFBW fuertemente. Nan tabata bisa ku AFBW a traishoná e trahadó boneriano. I ku trahadónan di BOPEC ta meresé un mihó sindikato pa representá nan interesnan. “BPWU ta laga su miembronan disidí i no un grupo ku ta enrikesé nan mes, manera ta sosodiendo awor den AFBW ku Wout, Abdul i Venloo. Tiponan ku no ta respetá ni nan mes dignidat, laga para esun di e obrero. BPWU no ta bende interes di trahadó, tampoko ta tuma nan hasi kèns òf engańá nan. Mester bini un fin na e bestialidat ku AFBW ta

hasi ku e trahadónan.”

AFBW tambe tabata ataká BPWU, specialmente Jopi Abraham, ku kontrario na Wout, no tabata empleá na BOPEC i no sa kiko tabata biba serka e trahadónan di e kompania. Jopi a reakshoná: “Pakiko mi ta presidente di BPWU i no un empleado di BOPEC mes? A elegí mi temporalmente, pasobra ningun trahadó ku un kontrato di 3, 6 òf 12 luna ke trese su eksistensia den peliger, uniendo su mes ku su kompañeronan i bira presidente di BPWU.”

Segun BPWU, tur hende por a mira e wega barata i desaprobabel ku AFBW tabata hunta huntu ku BOPEC. “Mirando e posishon haltu ku Wout a hańa na BOPEC, ofisialmente e no por tabata presidente di BPWU, pero tòg el a keda presidente. BOPEC tabata di opinion ku Wout no por sirbi dos Dios. P’esei Wout mester sirbi solamente ún Dios i esei ta BOPEC. I Venloo ta engańá e trahadónan di BOPEC miembro di AFBW. Solamente nan ke probechá di e trahadó. Pa evitá ku víktima ta kai den seno di trahadónan di BOPEC, Jopi a tuma e tarea di presidente di BPWU riba dje, pero asina ku BPWU gana e lucha pa rekonosementu na BOPEC, e lo retirá.”

### **Diskushon**

Jopi Abraham despues di tempu ta bira hefe di Departamentu di Asuntunan Sosial i Labor di Gobièrnu Sentral na Boneiru. El a solisitá pa e funshon aki, pero su nombramentu, pa motibunan polítiko, no a bai fásil. Tabatin hopi diskushon.

Sua di Jopi Abraham, Rudy

Ellis, tabata miembro di Staten, e hòmer fuerte den polítika boneriano, den e tempu ei. Ellis i su partido UPB tabatin miedu ku Jopi Abraham su meta final tabata pa dreña polítika, usando sindikalismo pa logra e meta aki. Pues un menasa pa UPB, ku tabata responsabel pa tantu gobernashon insular komo sentral.

Den e segundo mitar di ańa 1976 a plama informashon den prensa ku Rudy Ellis tabata kontra e nombramentu di Abraham den e funshon importante aki. Ellis a rechasá kategórikamente e informenan periodístiko aki. El a lamentá ku prensa no a tuma kontakto kuné promé.

Ellis a bisa ku enbèrdat e tabatin interrogante tras di e nombramentu di Abraham komo hefe di e departamentu konserní, mirando e echo ku e tabata presidente di BPWU, ademá konsehero di e sindikato STGB (Sindikato di Trahadónan di Gobièrnu di Boneiru) i FEDEBON.

STGB ta un sindikato ku a lanta den e mesun tempu ei pa defendé interes di loke nan tabata yama e ‘arbeider’ di gobièrnu di Boneiru. Den e tempu ei tabata hasi diferensia entre ámtenar i obrero, ku tabata kobra respektivamente pa luna i siman (despues kinsena). Pioneronan di STGB e tempu ei tabata entre otro Glenn Janga, Harold Amelia i José (Djo) de Jongh. Jopi Abraham a yuda den nan lucha pa kita e diskrepansia entre ámbenar (representá pa ABVO) i obrero (defendé pa STGB).

AFBW tambe a protestá fuertemente kontra nombramentu di Jopi Abraham na 1976 komo hefe di Departamentu di Asuntunan Sosial i di Labor: “Jopi Abraham ta kana rònt ku ideanan di Che Guevara. El a frakasá den tur loke el a hasi. Su nombramentu ta di índole polítiko. Abraham no por ta imparcial den su funshonamentu komo hefe di ‘Sociale Zaken’.”

### **Nombramentu**

Nombramentu tòg di Abraham komo hefe di Departamentu di Asuntunan Sosial i di Labor tabata basá riba desishon di Papa Godett, ku tabatin e ministerio aki bou di su maneho.

Trix van Bennekom a skirbi den e buki ‘Abraham – Kroniek van een politieke Dynastie’ to-

kante e nombramentu di Jopi komo ámtenar: “Godett tabata bon na altura ken e hòmer ku na 1976 a solisitá pa bira hefe di Asuntunan Sosial na Boneiru ta. Un funshon den servisio di Gobièrnu Sentral. E kandidato tabatin e estudio adekuá i eksperiensia i den konsulta ku hefe di e departamentu Don Martina, ku tambe a hańa Johan Evert Abraham di 28 ańa apto, a tuma e desishon pa e nombramentu. Momentu ku a bira konosí ken ta e hefe nobo, gobièrnu di Boneiru i dunadónan di trabou a kuminsá hasi mashá beheit. Minister Minguel Pourier tabata hostiná riba su kolega minister ku no a konsultá kuné promé.”

Van Bennekom ta sigui: “Te na e momentu ei Rudy Ellis i su partido a impedí ku éksito di laga e yu hòmer mas chikitu di Julio Abraham hańa trabou na gobièrnu di Boneiru, pero awor a resultá ku el a logra hańa un funshon atministrativo. Jopie a keda semper gradisidu na Godett, ku a tuma e kurashi pa nombr’é.”

### **Che Guevara**

Hefe nobo di Asuntunan Sosial tabata duna guia na ocho persona. E tabatin un rango mas abou ku su ultimo funshon atministrativo na Kòrsou, pero no a kibra su kabes mes. Esaki tabata e funshon ku semper el a sońa di dje pa pone su idealnan den práktika.

Trix den e buki ‘Abraham – Kroniek van een politieke Dynastie’: “Su fuentenan di inspirashon no tabata misterioso: den su kantor tabatin kologá pòrtrètnan grandi di Friederich Engels, Karl Marx i Che Guevara. Na Boneiru tabata mir’é tur deskonfiá komo si fuera e ta un sospechoso, pero manera diferente persona di su generashon, Jopi ta un persona di su tempu. E di dos mitar di añanan sesenta te fin di añanan setenta tabata notabel un periodo di aktivismo polítiko i sosial rònt mundu.

Den tur parti di mundu tabatin atake, revolushon, hopi biha inspirá pa komunismo, kontra oksidente kapitalista. Den Amérika Latino mashá movementu gueriero ku

tabata lucha kontra desigualdat den nan komunidad i resistí kontra opreshon di gruponan iskiardista.”



**Jopi Abraham den un reunion sintá banda di Don Martina, direktor di Departamentu di Asuntunan Sosial i di Labor. Abraham tabata e hefe na Boneiru.**



Polis riba kaya ta kontrolá

## Aglomerashon na Little Havana

KRALENDIJK – Polis a move bon riba kaya den wikènt pa kontrolá aglomerashon di hende na sitionan públiko. Na unda tabata nesesario nan a aktua. Tin kaminda no tabatin mester di aktua mes. Presensia so di polis a pone hende move.

Djasabra anochi nèt 10'or polis a presentá den

Kaya Bonaire, e kaya ku ta komuniká Kaya Kachi Craane ku Kaya Grandi. Tabatin yen di hende den i pafó di e estableimentu Little Havana. Na momentu ku nan a mira polis nan a move for di e sitio. Pregunta ku a surgi ta kiko lo a pasa si polis no a akudí na e sitio aki. Kos lo a sigui? Ta bon ku polis a bai e sitio aki.



**AÑA NOBO,  
SOÑO NAN NOBO.  
HASI ESUN NAN  
DI BO REALIDAT!**

KUMINSA KU BO APLIKASHON ONLINE **AWE MES.**



**island  
finance**  
*Nos solo-Semper ta bria p'abo!*

Kaya Almirante Pedro Luis Brion #7,  
Kralendijk 717-5991

[www.islandfinancebonaire.com](https://www.islandfinancebonaire.com)

\*SUHETO NA APROBASHON DI KRÉDITO I VERIFIKASHON DI DOKUMENTO.



Rijkdienst Caribisch Nederland  
RCN-Unit Sociale Zaken en Werkgelegenheid

**APLIKÁ PA AOV**

**Bo ta kumpli 65 aña e aña aki?**

Seis luna promé ku bo hasi aña, bo por apliká pa AOV kaba.

Pa mas informashon, tuma kontakto ku RCN-unit SZW via **715-8888**, tira un bista riba [www.rijksdienstcn.com](http://www.rijksdienstcn.com), òf pasa durante nos orario di konsulta riba djaluna, djáron òf djabièrnè entre 8:00 or i 11:30 or di mainta.



[fittipaldietersz@hotmail.com](mailto:fittipaldietersz@hotmail.com)

Facebook: Fittipaldi Pietersz

WhatsApp – C:(599) 7856412



tandprothetische praktijk  
**BONAIRE**  
tandprothetische praktijk



**AKI TA TRAHA I DRECHA PLANCHA PA DJIENTE.  
BO TA WARDA MIENTRAS NAN TA DRECHE,  
SERVISIO RAPIDO.**

**djaluna pa djaweps:** 9'or mainta pa 12'or merdia,  
2'or te 4'or di atardi.

**djabinèr:** 9'or mainta pa 12'or merdia,  
atardi ta SERA.

**E.M. Rijswijk**

Por yama pa un sita na tel. 717-2248 òf selular 796-3714  
Kaya Dr. J.G. Hernandez s/n (banda di Botica Korona)



## Tokante deklarashon di James Kroon

### Daisy Coffie ku seri di pregunta

KRALENDIJK -- Hasien-  
do uso di artíkulo 45 di  
Reglamentu di Órden di  
Konseho Insular, konsehal  
Daisy Coffie, a hasi un seri di  
pregunta ku tin relashon ku  
deklarashonnan ku diputado  
James Kroon a hasi.

Aki ta sigui e preguntanan  
na Kolegio Ehekutivo:

1. Kolegio Ehekutivo  
a tuma nota di deklarashonnan  
di e miembro di Kolegio P. J.  
Kroon relashoná ku kontinuashon  
di operashon di BOPEC?

2. Kolegio Ehekutivo ta  
pará tras di tal deklarashonnan  
i por a fasilitá Konseho Insular  
e desishon di esaki tumá pa  
Kolegio Ehekutivo?

3. Kolegio Ehekutivo  
a hasi un inventarisashon di  
interesadonan den e kompania  
BOPEC pa sigui ku operashon  
di e kompania?

4. Pregunta na Diputado  
P. J. Kroon spesífiko: Diputado  
P. J. Kroon a hasi un inventarisashon  
di interesadonan den BOPEC?

5. E Curator a indiká  
den su di tres reportahe algun  
punto ku ta kai bou di responsabilidad  
di Kolegio Ehekutivo.  
Kolegio Ehekutivo ta disponé  
di e di tres reportahe aki i tambe  
tin konosementu di e loke e Curator  
ta pidi?

6. Si pregunta 3 ta si,  
Kolegio Ehekutivo por a fasilitá  
Raad e reakshonnan ofishal di parti  
di Kolegio Ehekutivo pa ku e petishonnan  
hasi pa e Curator?

7. Kolegio Ehekutivo  
por indiká ki korespondensia tin  
òf tabatin entre e Curator i Kolegio  
Ehekutivo?

8. Kolegio Ehekutivo  
por fasilitá Raad ku tur korespondensia  
entre Kolegio Ehekutivo i e Curator  
den kaso di BOPEC mas pronto  
posibel i dentro di 2 siman?

9. Kolegio Ehekutivo a  
hasi esfuerso (entre otro pidi konseho)  
pa son dia e posibilidadnan pa Entidat  
Públiko sea bira doño o partisipá den  
un kompania ku lo tuma over BOPEC?

10. Kiko ta e posishon ofishal  
di gobièrnu Hulandes pa ku kontinuashon  
di operashon di BOPEC na Boneiru?

11. Tin un estudio ku ta indiká  
ki opshonnan realístiko ta eksistí pa ku  
kontinuashon di operashon di BOPEC ta  
viabel i realisabel? E estudio aki a analisá  
tambe e impakto sosial-ekonómiko i finansiero

di un posibel kontinuashon di operashon  
di BOPEC?

## TENE KUENTA

Bo tin keintura, doló di garganta òf kualke otro síntoma relatá na Covid-19 ?

Keda bo kas i yama 0800-0800. Mantené e instrukshonnan di higiena. Kome salú, drumi sufisiente i move regular pa hisa bo resistensia. Kuida bo mes i esnan rondó di bo.

### "Serka Señor mi ta na pas manera un yu serka su mama"

Ku profundo doló, nos ku a stima nos ser tan kerí, ta partisipá ku a bai laga nos:

## Orlando Kenneth Izaak Tjin Asjoe

mihó konosí komo, Lando

### Na nòmber di su mayornan:

Elvia Tjin Asjoe Nicolaas i † Eugene Tjin Asjoe

### Su yunan:

Kenneth Tjin Asjoe i Liesje Hart

Sharissa Tjin Asjoe i Keith Razab-Sekh

### Su partner:

Sonia Pourier

### Su èks kasá:

Charlotte Domacassé

### Yunan sin doló:

Mireille Tjin Asjoe i Jony Canjunga

Sudeska Thodé i Jaystron Cicilia

### Su rumannan:

Mary Tjin Asjoe

Els-Marie Tjin Asjoe i Sylvanus Bell

Elvis Tjin Asjoe

### Subrino- i subrinanan:

Elbert Jozefa i Cindy Jozefa-Do Rego

Heribert Jozefa Jr i Syree Jozefa-Palm

Ceilyne Tjin Asjoe

**Su nietunan:** Liekendely Tjin Asjoe, Kenneth Jr. Tjin Asjoe, Sharelty Rasiman, Brandon Rasiman, Kaeylan Razab-Sekh, Levion Canjunga, Hayley Thodé, Davion Coffy, Kingston Coffy.

### Su primunan:

Andy Loefstok i famia

Michael Loefstok i famia

Jeanella Loefstok i famia

Nadine Antersijn-Nicolaas i famia

Fernando Nicolaas i famia

**Su tanta i tio na Boneiru:** Maria Agostien-Nicolaas, Armando Nicolaas

**Su tanta na Sürnam:** Rinia Jeffrey

### Famia na Boneiru, Kòrsou i Hulanda;

Tjin Asjoe, Nicolaas, Pourier, Domacassé, Jozefa, Antoin, Isebia, Sint Jago, Frans, Prinssen, Bodeutsch, Martis, George, Loefstok, Antersijn, Hart, Razab-Sekh, Canjunga, Rasiman, Thodé, Boekhoudt, Croes, Coffy, Bell, Do Rego i Palm

**Na Sürnam i Hulanda:** Gerold Plet i famia, Laura Plet i famia, famia Tjin Asjoe, Plet, van Lierop, Imamkhan, Islam, Luckson, Lie-Foe-Sjoe, Letterboom, Lachman, Jeffrey, Wadili i Feller

Tur amigunan musikó di Boneiru, Aruba, Kòrsou, Hulanda i demas parti di mundu, tur su alumnonan di "Orlando College" i tur demas alumnonan, tur su kompañeronan di dialyse na Kòrsou, Boneiru i Hulanda, dòkter, zùster i brudernan di dialyse i hòspitalnan na Kòrsou, Boneiru i Hulanda, tambe tur bisiña-, amigu- i konosínan.

Nos kier a gradisí dòkternan, staf i personal medikó na Boneiru, Hulanda i Kòrsou pa tur e kuido duná na nos Lando stimá.

**Despedida di nos ser kerí ta tuma lugá mañan djamars, 18 di yanüari. Ta risibi bishita di kondolensia na Consuelo Memorial di diedsdo'or di merdia pa un'or di merdia. Kremashon ta tuma lugá den seno familiar. Por favor asistí na trahe alegre (manera Lando semper tabata).**

**Seremonia di despedida ta tuma lugá bou di ouspicio di pastor Koots.**

**Pa motibu di e pandemia di Covid-19 nos ta supliká pa tur hende mantené su mes na regla. No ta risibí bishita di kondolensia ni promé ni despues di entierro na kas. Famia ta pidi pa por favor NO manda flor ni krans.**





# Papa ta splika dignidat di trabou i ta rekordá esnan ku no ta logra gana bida

Pa Mercedes de la Torre | ACI Prensa

Papa Francisco interumpí su katisashi semanal den e Oudienzia General di djarason 12 di yanüari pa resa den silencio a hòmbenan i muhénan desesperá den búskeda di trabou i a rekordá en partikular esnan ku a yega na e punto di kita nan bida.


“Den e tempunan akí di pandemia hopi persona a pèrdè trabou, nos sa, i algun, aplastá pa

un peso insoportabel, a yega na e punto di kita nan bida. Awe i tabata ke rekordá kada un di nan i nan famia. **Laga nos hasi un instante di silencio** rekordando e hòmben i muhénan, desesperá pasobra nan no ta haña trabou, Papa a pidi.

Na ora di kontinuá ku su serie di katisashi tokante San Hosé, e Pontífise a refleksioná riba e ofisio di e tata di Hesus ku tabata karpinté, obrero di palu i a splika ku e

trabou aki den Palestina ta impliká na “los artesano di palu manera e trahadónan ku tabata dediká nan mes na aktividatnan relashoná ku konstrukshon”.

“Un ofisio bastante duru, dor ku mester traha ku materialnan pisá, manera palu, piedra i heru. For di e punto di bista ekonómiko e no tabata sigurá ganashinan grandi, manera ta dedusí di e hecho di ku Maria i Hosé, ora nan a presentá Hesus den Tèmpel,



a ofresé únikamente un par di tòrteldùif òf pichon, manera e lei pa esnan pover a deskribí.

Den e liña akí, e Tata santu a suprayá ku “**Hesus adolescente a siña e ofisio akí di e tata**” i a añañá ku “ora el a kuminsá na prediká komo adulto, su paisanonan asombrá a puntra nan mes: ‘Ta di unda el a sali ku e sabiduria ei i ku e poder pa hasi milager?’ i nan a skandalisá nan mes pa kousa di dje, pasobra **e tabata yu di e karpinté, pero tabata papia manera un doktor di lei** i a skandalisá nan mes dor di esaki”.

*Orashon pa trahadónan di mundu*

Despues, Papa a para ketu pa rekordá tur trahadó di mundu i a pidi pa pensa en partikular riba e “trahadónan skondí; e **trahadónan ku ta hasi trabounan duru** den minanan i den sierto fábrica...; esnan ku ta ser **eksplotá ku ‘trabou skondí’**, ta duna nan sueldo di kontrabanda, skondí, sin penshun, sin nada, i si nan no traha, nan no tin ningun seguridat...; pa e **viktimanan di trabou**, ku ta sufri aksidentenan den trabou; pa e **muchanan ku ta obligá na traha**, esaki ta teribel, un mucha, den edat di hunga, mester hunga, ta obligá na traha manera personanan adulto, muchanan obligá na traha i pa esnan pover ku ta buska den landfill algu útil pa interkambiá.. nan ta bai na landfill”.

“**Nan tur ta nos rumanan ku ta gana nan bisa asina**, nan no ta haña dignidat, laga nos pensa riba nan i esaki ta sosodé den mundu, esaki ta sosodé”, Papa a lamentá.

Ademas, e Tata Santu a rekordá e personanan ku ta sin trabou i a añañá “kuantu hende ta bai bati na portanan di fábrikanan, di empresanan! ‘tin algu ku ami por hasi? No, no tin...’. Falta di trabou; i mi ta pensa riba esnan ku **ta sinti nan mes hustamente heridá den nan dignidat pasobra nan no ta haña un trabou**. Nan ta bai bèk na kas, ‘Bo a haña algu? Nada. Mi pa pasa na Cáritas i a trese pan...’”.

Di e moda akí, Papa a indiká ku “loke ta duna bo dignidat no ta hiba pan na kas, abo por risibí den Cáritas. No. **Loke ta duna bo dignidat ta gana e pan**, i si nos no ta duna nos hendenan, hòmben i muhénan e kapasidat pa gana e pan, esaki **ta una inhustisia sosial**, den e lugá akí, den e pais akí, den e kontinente akí”.

“Gobernantenan mester duna tur hende e posibilidat di gana pan, pasobra e ganashi akí ta duna nan dignidat. **E ta un ‘unshon di dignidat’ trabou**. Esaki ta importante”, el a agregá.

Sin embargo, e Tata Santu a lamentá ku “hopi hóben,

*Sigui lesa pag.12*

## Vatikano ta revelá e lema pa Aña di Hubileo 2025



Churchpop  
Iglesia Katóliko ta prepará pa e Aña di Hubileo 2025 un aña espesial di grasia i peregrinashon pa tur fiel.

Djaweps 13 di yanüari Arsobispu Rino Fisichella a revelá ku e lema di e aña hubilar “por resumé den dos palabra: **‘Peregrinonan di speranza’**”.

Hubileo 2025 lo ta e promé hubileo ordinario di Iglesia for di dia ku San Huan Pablo II a konvoká e Gran Hubileo di 2000. Den aña 2015, Papa Francisco a inaugurar e Hubileo di Misericordia, un hubileo extraordinario.

E aña jubilar lo inklui apertura di e **Porta Santu den e Basílika di San Pedro**. Manera ta tradishon, e peregrinonan ku ta pasa di e porta durante e

aña akí lo optené un **indulgensia plenario den e kondishonnan normal**.

E kuater basílikanan prinsipal di Roma tin portanan santu. Durante e Hubileo Extraordinario di 2015, Papa Francisco tambe a otorgá na e **iglesianan katedral di henter mundu** pèmit pa establese i **habri un Porta Santu**.

“Pasa dor di Porta Santu ta nifiká bole deskubrí e infinito misericordia di Tata ku ta risibí tur hende i ta sali personalmente na e enkuentro di kada un di nan. E ta esun ku ta buska nos! E ta esun ku ta bini na nos enkuentro, Papa Francisco a bisa na ora di habri e porta Santu di e hubileo den e Basílika di San Pedro dia 8 di desèmber

2015.

Aunke hopi ta desconosé nan, hubileonan tin **raisnan bíbliko**. E lei mosaiko a establese añanan hubilar ku nan ta selebrá kada 50 aña pa liberashon di katibunan i pordon di e debenan komo manifestashonnan di e misericordia di Dios.

E práktika a keda restablesé na 1300 pa Bonifacio VIII. A konsede na e peregrinonan un indulgensia plenario. Entre 1300 i 2000 a selebrá den Roma **29 añanan hubilar**. E añanan hubilar ordinario ta sosodé kada 25 aña, en tantu esnan extraordinario ta ser konvoká espesialmente dor di Papanan.

**Laga nos prepará nos peregrinashon pa e Aña Hubilar 2025!**



# REKORDANDO+45 AÑA EXTRA

## UPB den tempu di su gloria



### Programanan di Bonaire.tv

TELBO kanal 70

Flamingo TV kanal 23

Djaluna 17 yanüari 2022

12.00 Aktualidat:

Hennyson Thielman

13.00 Programa Special:

Pashentnan Boneriano

Dialisa Na Korsou

14.00 Herensia:

Simon Anthony

15.00 BAPA:

Tahir Martina

16.00 Herensia:

Evert Lucas Piar 3

17.00 AkiBoneiru:

Orlando (Lando) Tjin Asjoe 1

18.00 Herensia:

Hermenegilda Winklaar

19.30 Puerto Latino:

Luis Zárraga

20.00 Herensia:

Cresensia Maria Clarinda 1

21.00 Aki Boneiru:

Maskarada Cocari

22.00 Herensia Korsou:


Udemar Jacques Leo (Shon Ma) Isidora

23.00 BAPA:

Alcino Alciloh Clemen

Tur mèrdia 12'or ta kuminsá un programashon nobo di 4 ora.

E programashon aki ta ripití pa 24:00.



### KOLOFÓN

Editor Bonaire  
Communication  
Services N.V.

Kaya Irlanda 12,

Tel. 717-8482

E-mail:

extrabon@gmail.com

Wèpsait:

www.extraboneiru.com

Direktor

Shirley Martis

785-3824

796-3824

Hefe di redakshon

Bòl Antoin

786-6818

Redakshon

Armand 'Papi' Antoin

Davienuska Janga

Velli Gijsbertha

Ibi Piar (deporte)

Partner na Aruba

Awe Mainta

Layout

Davienuska Janga

Aviso

avisobon@gmail.com

### Pronóstiko di tempu pa

Boneiru

Djaluna 17

yanüari 2022



Periodo ku solo ku un chèns chikí pa un áwaseru lokal. Awe i mañan lo ta parsialmente nublá ku chèns chikí pa un áwaseru. E temperatura máximo lo ta aproksimadamente 30°C, e temperatura mínimo mas o ménos 24°C. E bientu ost lo ta moderá, 3-4 Bft, mañan e lo ta moderá te basta fuerte, 4-5 Bft. Altura di ola: 1.5-2,0 m (4-6 pia)  
\* Altura di ola válido pa laman grandi

## MONCHI & TONCHI

Ketu bai e moda di karsonnan kibrá ta eksistí Tonchi. Ridíkulo sua.

Awèl sí. Mester bini ku moda tambe di djòki i karson djabou di muhé kibrá.





*Sede Scouting den dekadensia*

# Komehein a poderá di e edificio

KRALENDIJK – Sede Scouting, un edificio multi funshonal, ku den pasado a sirbi diferente propósito, ta den dekadensia. Komehein a hasi doño di tur loke ta palu na e edificio i e kurá tambe ta kompletamente yená ku palu i yerba. Ku sosten finansiero

di Sede Boneiru den añanan 90, a konstruí Sede di Scouting. Meta di e edificio tabata pa enkuentro di gruponan di skout riba e isla. Tambe tabata usa e edificio pa hopi otro evento, manera fiesta, reunion, kurso i hopi mas.

Ku eksepsion di St. Michiel Groep, grupo di skout na Rincon, no tin ningun otro grupo mas aktivo. E grupo aki tambe tin un sede kua ta bon kuidá.

Algun tempu pasá algun persona a trata na rebibá skouting, pero esaki no a logra kompletamente. E interes ta hopi abou di prinsipalmente mayornan pa laganan yunan partisipá na e eventonan di skouting.

Ken ta responsabel pa e Sede di Skouting na Kaya Nikiboko Nort, djis patras di e anterior Kas Sindikal, no ta konosí. Meskos tambe ta konta pa Klup Oubaas Carlos Nicolaas na Playa Pabou, no ta muchu kla ken ta atendé ku e edifisionan aki.

Tin tambe otro klup di AMG na Antriol. E edificio aki tambe ta den dekadensia total. Palunan di neem a poderá di e kurá i e edificio tambe ta bayendo atras.

Ta interesante pa haña sa kua ta e organisashon òf organisashonnan responsabel pa e edifisionan aki. Den e edificio di Skouting na Kaya Nikiboko Nort tin

un ofisina di e asosashon rashon, te asina leu ku por di penshonado UPAH. Ta a averiguá. e pidi parti aki so ta ope-





**KÒRSOU**

*Di akuerdo ku sr. Wladimir Kleinmoedig di Ministerio OWCS*

# “Ban digitalisá enseñansa; pone bòrchi ku kreit un banda!!”

**WILLEMSTAD.-** Uso di bòrchi ku kreit i bòrchi ku steft ya a pasa pa tempu di “kouchi boulo”, i ta tempu pa kana e trayekto di digitalisashon den enseñansa. Asina sr. Wladimir Kleinmoedig, Direktor di Sektor na e Ministerio di Enseñansa a trese dilanti durante un presentashon den Parlamento pa loke ta e proyekto di digitalisashon di enseñansa na Kòrsou. Ta un proyekto ku Minister van Heydoorn ta masha orguyoso di dje i ta spera di haña sosten di e mundu polítiko i tambe di enseñansa pa e por bira realidat.

**Keda atras**

Segun sr. Kleinmoedig, ta di mas bisa ku mundu ta digitalisando ku hopi rapides, i teknologia ta avansando ku e mesun rapides. Pero lamentablemente nos sistema di enseñansa aki na Kòrsou ainda ta ankrá den e sistema di añanan 80. Tabatin momentunan di inovashon den fin di añanan 90 i komienso di 2000, sinembargo no tabatin un plan integral i digitalisá pa karga e sistema. I hopi biaha e enfoke tabata riba skol i e loke ta sosodé den klas, pero no riba e sistema den su totalidat.

Pues e loke gobièrnu aktual ta bai presentá ta un proseso di inovashon i digitalisashon integral den e sektor di enseñansa. Mas aleu segun sr. Kleinmoedig tin hopi pa alkansá i liberá. Si kompará Kòrsou ku hopi otro pais, ainda tin hopi retraso di kòrta, i otronan a bai laga nos. Por ehèmpel, na Kòrsou ainda tin skolnan ku unda dosentenan ta traha ku bòrchi pretu i krèit, òf bòrchinan blanku i ta skirbi ku steft. Sinembargo e studiante si a desaroyá i nan si ta trahando ku sistemanan moderno, nan ta riba dispositivonan (device) mo-

derno. Lamentablemente na skol awendia un mucha ta kore e riesgo di ser kastigá pa motibu ku e ta usando un dispositivo moderno, si e usa su telefòn. Mester komprondé ku den e mundu di awendia enseñansa ta dirigí riba kompilashon di mas tantu informashon posibel, yega na datonan.

**Fasilitá**

E Ministerio di Enseñansa ke alkansá e meta ei. E intenshon ta pa siña e mucha, siña e hóben i siña e adulto pa e usa un dispositivo pa yega na informashon pa e mes avansá

i amplia su konosementu. Pa yega e punto ei no por sigui hasi uso di bòrchi ku krèit i bòrchi ku steft. Ya e sistemanan aki a bira kos di “kouchi boulo”.

E Yu di Kòrsou a demonstrá di ta un hende resiliente, ku formashon i ku si e haña e fasilitat e sa di presta pareu ku un siudadano global, i asta surpasá esei. Prueba di esei ta ku tin hopi hóbennan ku ta dòktorando na edatnan relativamente hóben. Ta p’esei ta imperativo pa fasilitá nan desaroyo, pa nan por haña konekshon na enseñansa superior.

*SITEK ta warda desishon di gobièrnu riba dlanan di vakashon di karnaval*

## Mayoria miembro no ke pa mishi ku fakansi karnaval

**WILLEMSTAD.-** SITEK ta warda desishon di Minister di Enseñansa, Siensia, Kultura i Deporte (ESKD) sr. Sithree van Heydoorn riba dlanan di vakashon di karnaval. Miéntas tantu gran mayoria di maestro/dosente miembro dje sindikato a indiká pa no mishi ku nan dlanan di vakashon di karnaval. Nan ta dispuesto na hasi algun sakrifisio, pero no mishi ku nan dlanan di vakashon di karnaval.

**‘Time out’**

Manera ta konosí, mini-



ster van Heydoorn a anunsiá siman pasá ku skol tambe ta tuma “time out” manera promé minister a dekrétá siman pasá, i lo habri dia 17 di yanüari próksimo. E dlanan di skol ku e muchanan lo pèrdè, nan lo “haal in” esakinan

riba dlanan di vakashon di karnaval. E anunsió aki no a kai den bon tera serka niun dje sindikatonan di trahadónan den edukashon.

Entre tantu minister van Heydoorn a bisa ku dia 17 di yanüari awor e lo anunsiá kua desishon a tuma pa ku dlanan di vakashon di karnaval.

Visepresidente di SITEK, sr. Frensel Josefina kende a indiká ku SITEK a haña dos proposishon i a pasa esaki over pa nan miembronan.

**‘No mishi’**

Durante ora di atardi SITEK a haña reakshon di miembronan ku no ke pa mishi ku nan dlanan di fakansi di karnaval. Mayoria ke nan dlanan di karnaval.

Banda di esaki, e miembronan no ta masha kontentu ku deklarashon di minister bisando ku e por hasi e kambio. Nan ta spantá,

segun Josefina a bisa.

“Si minister ke kambia fakansi, e tin di manda un karta na CGOA ku e ke trese un kambio. Ta den CGOA e tin di trese kambio ora mishi ku kondishon sekundario di trahadó. SITEK ta sinta warda desishon di minister van Heydoorn”, sr. Josefina a terminá bisando.

## Vehíkulo ku tabata pone ‘fever’ konfiská

**WILLEMSTAD--** Polis a konfiská un vehíkulo, den e kaso aki un outo, ku tabata bisto riba imágenan ku polis a risibí, ku tabata pone ‘fever’ na diferente sitio aki na Kòrsou.

Ta e intenshon pa bai sigui konfiská mas di e vehíkulonnan aki, di manera ku ta inisiá e proseso pa pidi korte via di Ministerio Públiko, pa pone e vehíkulonnan aki na disposishon di estado.

Na momentu ku e petishon aki keda honrá, estado ta tuma un desishon kiko ta sosodé ku e vehíkulonnan aki. Den mayoria kaso e vehíkulonnan aki ta keda destruí i asina ei definitivamente wòrdu saká for di sirkulashon.

E yamada un bia mas ta bai na ponedónan di ‘fever’ pa no hasi esaki riba kamindanan públiko, na unda bo ta kore rísiko grandi di pèrdè bo propiedat.

## Aksidente di tráfiko ku morto

**WILLEMSTAD--** Djabièrnè 14 di yanüari, sentral di Polis a risibí informashon ku un aksidente ku herido a tuma lugá riba Schottegatweg Noord na altura di pomp di gasolin. E patruya ku a yega na e sitio a kuminsá ku un investigashon i a re-

sultá ku e hòMBER víktima a bai krusa kaya nèt na momentu ku un outo tabata aserkando direkshon di Rio Canario. E vehíkulo a alkansá e hòMBER i dor di e impakto e víktima a risibí multiple leshon i a fayesé na e sitio.

Dòkter di polis a kon-

statá morto di e víktima i ta trata aki di un hòMBER di nashonalidat haitiano.

Na momentu ku pone famianan den eksterior na altura di e suseso lo duna mas informashon di e víktima.

Investigashon den e kaso di aki ta kontinuá.



# Dama herida den accidente di trafico

ORANJESTAD -- Dia bierna atardi den careda di 4'or Polis y ambulance a bay riba e caminda di Hooiberg pa Santa Cruz, unda lo tin un accidente cu hende herida. Na yegada Polisnan a topa cu un Toyota Yaris y un dienstwagen Ford Figo.

Mirando e situacion di un di e chauffeurnan a pidi un ambulance cu urgencia,

debi cu e dama lo no por a hala rosea bon. Polis mes- ter a cuminsa guia trafico den ambos banda, mirando cu e momento ey trafico a cuminsa bira basta druk.

Na yegada di ambulance, e paramediconan a bay atende e dama y tabata bise p'e trankilisa y trata na hala rosea trankilo. Esey no tabata yuda mucho si mester bisa. Paramedi-

conan a bisa e dama sali di e auto y subi riba e brancard.

Visiblemente e dama tabata muestra bastante exita y tabata soda y tosa hopi. Polis di Trafico tambe a presenta n'e sitio. E accidente a sosode riba un Y-splitsing y no dunamento di preferencia lo por t'e causa. Ambulance a transporta e dama pa Hospital.



*Cu nan funcionnan den gobierno hulandes*

## Partido MEP ta felicita partido D66

ORANJESTAD -- Dia 10 di januari 2022 a tuma luga e huramentacion di e miembronan di Kabinet Rutte 4 despues di e eleccion pa miembronan di Tweede Kamer di dia 17 di maart 2021 y den cual e partido D66 a obtene 24 asiento.

Partido MEP kier a extende palabra di felicitacion na henter e partido D66 lidera pa sra. Sigrid Kaag cu a crece bastante den asiento birando e di dos partido mas grandi na Hulanda y cu su funcion actual como Minister encarga cu finanzas y alabes Vice

Prome Minister. Den total D66 tin representacion di 6 Minister y tres Staatssecretaris den e Gabinete Rutte 4 y pa cual MEP ta desea cada un di e mandatarionan aki hopi sabiduria y exito.

Mester recorda cu desde algun tempo caba ta existi un laso di amistad entre

MEP y D66 caminda entre otro na juli 2019 e dos partidonan aki a firma un declaracion di intencion pa mas cooperacion y den cual enfasis ta wordo poni riba medio ambiente, enseñansa y economia.

Alabes partido MEP na aña 2019 a duna su con-

seho di voto y sosten pa e candidata di D66, Samira Rafaela drenta Parlamento Europeo.

Sin duda cu e bon relacion aki lo resulta na beneficio di ambos pais den Reino Hulandes.

Un biaha mas, hopi exito.





# Castigo pisa pa acusado pa acto inmoral cu menor di edad

ORANJESTAD -- Pa añanan largo e sistema hudicial na Aruba, a baha pisa contra di hendenan cu ta traha cu mucha y hobennan menor di edad, pa loke ta trata casonan di abuso sexual of di accionnan di inmoralidad cu e menornan aki. E argumento principal cu Corte semper a trece dilanti den e tipo di casonan aki, tabata cu lidernan den comunidad, sea profesional of boluntarionan, t'esnan prome yama fuera di mayornan di menornan di edad, pa percura pa bienestar di e grupo aki. Esnan cu den pasado a faya di carga nan responsabilidad y a permiti nan debilidad viola e regla aki, a wordo castiga formalmente pa Corte di Husticia di Aruba.

Diabierna merdia esaki no tabata diferente ora cu Corte den Prome Instancia, a trata e caso di inmoralidad contra di e homber Franklin Priest. un lider den comunidad, tanto riba tereno deportivo como den su funcion como trahador publico pa loke ta implementacion di e leerplicht.

E acusado di 36 aña a wordo deteni na luna di juli di 2021 despues cu na luna di mei, famia di un mucha homber menor di edad, a bay entrega keho na autoridadnan policial pa cierto actonan incorrecto di inmoralidad. A bin resulta cu e acusado kende ta un dirigente deportivo tambe, lo a bay cas di un mucha homber menor di edad na un orario cu no tabata usu-

al, esta pa 11.30 di anochi y ta ora cu un familiar di e mucha a yega cas y a haya movicion y e situacion un tiki sospechoso, el a alerta otro famia y mesora a bay controla movecionnan dilanti y rond di e cas pa medio di camaranan di seguridad.

Tin cosnan sospechoso a ser mira e anochi di 31 di mei, entre otro mirando e acusado inicialmente normalmente bisti, pero despues ora di bandona e sitio su carson ya no tabata normal mas na su curpa. Investigacion a bin saca afo a base di declaracion di e menor di edad, cu e homber a mishi cune, a haci otro actonan sexual, pero ningun momento di penetracion, mientras cu otro dos testigo

cu a wordo scucha, a muestra entre otro cu nan ta haya e acusado un maniac y un stalker.

E victima mes a keda consistente den su declaracion na autoridadnan policial na dos ocasion, mientras cu e declaracion cu el a duna su mama tambe tabata identico n'esun cu el a duna autoridadnan.

Fiscal a muestra Hues cu ta trata di un caso hopi delicado, sigur den un periodo cu comunidad ta existi e sistema hudicial pa actua cu man fuerte contra di hendenan grandi cu no ta respeta menornan di edad y como cu Ministerio Publico ta haya cu e pruebanan ta contundente, el a pidi un castigo di cuater (4) aña di prison, di cual 6 luna

ta condicional cu tempo di prueba di tres aña.

Abogado di e acusado a muestra Hues cu e caso ta keda uno den cual tin declaracion di e mucha homber, e victima, mientras cu su cliente ta para 'riba cu e no a comete ningun acto di inmoralidad y solamente a bin papia cu e mucha homber, kende lo tabatin problemanan psicologico segun e acusado y hasta lo a menciona di kier pone fin na su bida. Segun rapport psicologico ta muestra cu e acusado no kier acepta cu e lo por tin un problema y a insisti cu nada a pasa cu e mucha homber y ta nengatur acusacion. Hues a cera tratamiento di e caso y dia 4 di februari 2022 e lo dicta sentencia den e caso aki..

## Homber herida durante bahamento di cement

ORANJESTAD -- Diabierna den oranan di merdia pa mas o menos l'or, Polis y ambulance a bay patras di un supermercado situa poco pabou di Rotonde di Dadelstraat. Ey banda un persona lo a resulta herida. Esaki ta-

bata momento cu algun homber tabata bahando saconan di cement for di un container.

Tabata bisa cu e lo a ser primi contra algo. Con exactamente el a sosode no ta mucha cla, pero na yegada di ambu-

lance e Paramediconan a trata e homber.

Polis tabata tumando tur dato necesario. Un cabayero di DTI cu tabata den cercania mesora a tuma contacto cu e departamento, debi cu e mes lo no tabata trahando.



## Señora haya sin bida ariba su cama

ORANJESTAD -- Diabierna merdia den careda di 12'or, Brandweer a bay na un adres den Sero Patrishi debi cu bisiñanan lo a mira un señora bisiña ariba su cama y no tabata move. Brandweer cu tabata prome na e sitio a logra drenta den algun minuut y Paramediconan cu a yega mesora a pasapaden. Mesora nan por

a mira cu e persona lo a fayece ariba su cama.

Segun bisiñanan diahuebs atardi nan lo a mir'e pa ultimo biaha. Polis tambe a yega y asina a pidi pa dokter y demas departamentonan concerni.

Dokter Texier a yega tambe pa constata morto y mira tambe si lo ta trata di un morto natural.





Segun señor Kumar Piar presidente di Pony League

# Torneo beisbòl di Karibe ta nifiká hopi pa beisbòl di Karibe i di Boneiru

KRALENDIJK--Básikamente e Caribbean Baseball Tournament ku ta bai tuma lugá den luna di yüni/ yüli 2022 aki na Boneiru, bo ta wake riba un torneo di beisbòl di Karibe, pero e ta nifiká hopi mas ku simplemente un toneo, esaki pa tantu e beisbòl di Karibe pero tambe pa e deporte di beisbòl pa Boneiru.

Esaki señor Kumar Piar, presidente di Pony League, a bisa djabièrnè último durante un selebrashon na ofisina di Fundashon Wega Number Boneiru, selebrando su di trinta aniversario e aña aki.

Na e okashon aki a anunsiá ofisialmente tambe ku FWNB lo ta e spònsor mayo di e torneo di beisbòl aki kategoria Mustang ku ta 9 i 10 aña.

Mas eleu señor Piar den su diskurso na e okashon aki a bisa ku Boneiru ta bai “host” e torneo aki, di kua ya tin 8 pais ku a konfirmá nan partisipashon den e torneo, ku huntu ku Boneiru ta bira di 9 ekipo na tur ku ta den e torneo.

Ya e paisnan aki a konfirmá ku nan lo ta na Boneiru pa e torneo.

Si tende e nòmbernan di e paisnan aki, tur hende sa ku ta trata di un nivel di un torneo basta haltu.

Esaki ta nifiká ku Boneiru ta haña oportunidat di bai midi su forsa den un torneo internashonal di Karibe pa mira kiko Boneiru tin aden despues di 1 aña ku nos ta den e deporte aki.

Banda di beisbòl, esaki ta un bon oportunidat tambe pa Boneiru mira un otro area di turismo, loke basta hende por benefisiá di dje durante añanan.

Ke men ku básikamente e torneo aki ta trese mas ku solamente un beisbòl pa e isla di Boneiru.

E ganadó di e torneo lo pasa pa World Series na Merka fin di yüli.

Esei ta básikamente un torneo di beisbòl di Karibe di nos futuronan, den e kaso aki Pony League kategoria Mustang ku ta di 9 i 10 aña.

Esakinan di akuerdo ku Kumar Piar relashoná ku e torneo di beisbòl inter-

nashonal di Karibe di 28 di yüni pa 3 di yüli 2022 aki na Boneiru.

Esaki lo bira un torneo internashonal di Karibe basta grandi mirando tur e paisnan ku lo ta na Boneiru pa e torneo, tambe e preparashon.

Tambe e ke yama danki segun señor Piar, tresiendo dilanti ku su kolega señor Andy Ignacio a menshoná Wolf Pack, pero no ta Wolf Pack so.

A kuminsá ku Pony League, pero esaki no ta

nifiká nada sin e otro ekiponan tambe ku ta den e torneo.

Wolf Pack so no por hunga kontra Wolf Pack.

P’esei e ke yama danki na tur e otro trahadónan i “coach”nan ku ta hinka nan tempu boluntario den e hóbennan, ku ta kere tambe den nos hóbennan ku tur nan talentonan.

E ta yama nan danki pasó nan tambe ta forma parti di Pony League, nan tambe ta forma parti di lokual ku Fundashon Wega Number

Boneiru ta hasiendo pa e deporte aki.

Esaki sigur ta un apresio pa e trabou ku nan ta hinka komo boluntario den nos hóbennan.

E ke terminá yamando danki di kurason tambe na Wolf Pack, Pony League i tur “coach”nan, e ke yama hopi danki na Fundashon Wega Number Boneiru pa e oportunidat ku ta brindando nan, pidiendo pa nan sigui kere den e hóbennan.

## Mi Kos a gana FC Champs

KRALENDIJK--E tim di futbòl veterano Mi Kos di Ròi Dortalina, fin di siman pasá, pa ta mas eksakto djasabra último den partido di futbòl veterano amistoso pa habri aña, a gana di FC

Champs ku skor di 2-1.

E golnan di Mi Kos tabata di Kerrel Alberto i un outogol di Robert.

Gol di FC Champs tabata di Elvis Sint Jago pa medio di pinalti.

Tur dos tim den e partido aki tabatin hungadónan ku no tin 50 aña.

E tim di Mi Kos por

ehèmpel a hunga asta ku un mucha muhé.

Tambe FC Champs a premia dos hungadó ku ta Garindo Raphaella goliadó di FC Champs den aña 2021 i Urbano Sint Jago ku a sòru pa FC Champs a hunga bala durante henter aña 2021.

## FWNB spònsor torneo beisbòl Pony League di Karibe

KRALENDIJK--Fundashon Wega Number Boneiru den kuadro di selebrashon di su 30 aniversario e aña aki, ta e spònsor mayo di e torneo di beisbòl internashonal di beisbòl di nos futuronan, e torneo “Pony League Caribbean Zone Tournament”, esaki kategoria Mustang ku ta 9 i 10 aña.

Ta pa promé bia ku Boneiru ta bai organisá e torneo aki ku lo ta históriko pa nos isla.

E torneo aki lo tuma lugá aki na Boneiru di 28

yüni pa 3 yüli 2022.

Ya tin paisnan ku a konfirmá nan partisipashon i ku lo ta den e torneo internashonal aki di beisbòl di nos futuronan.

Un total di 9 pais lo ta den e torneo internashonal aki di beisbòl di nos futuronan aki na Boneiru, torneo Pony League zona di Karibe.

Ta trata di e paisnan:

1. Boneiru.
2. Kòrsou.
3. Aruba.
4. Sint Maarten.
5. Colombia.

6. Panamá.

7. Santo Domingo.

8. Venezuela.

9. Puerto Rico.

Fó djawó nos ke deseá e organisadónan di Fundashon Wolf Pack i Pony League Boneiru, huntu ku Fundashon Wega Number Boneiru, tur pero tur klase di éksito ku e preparashonnan pa kana yega na luna di yüni pa e torneo internashonal aki di beisbòl di nos futuronan di Karibe pa promé bia riba nos isla.

Éksito..

### Sifranan COVID-19 | Boneiru 15/01/22

Positivo	Aktivo	Negativo
<b>+104</b> Total: 5096	<b>889</b> -11	<b>22932</b>
Di tèst	Fayesó	Den hospital na
<b>+154</b> Total: 28028	<b>25</b> +0	<b>Boneiru: 6</b>

**Mas informashon:**  
Gobièrnu di Boneiru | [www.bonairecristis.com](http://www.bonairecristis.com)

Lila di informashon virüs di corona:  
**0800 0800** (gratis)

Esaki ta un mensahe di Entidat Públiko Boneiru



Segun señor Andy Ignacio presidente di Wolf Pack

# Promé kampionato Beisbòl Pony League tabata unu eksitoso

KRALENDIJK--Di akuerto ku señor Andy Ignacio presidente di Wolf Pack Foundation, e por bisa ku na aña 2020, un persona ku huntu ku dos amigu di dje di kua unu ta Kumar Piar, nan a disidí di kuminsá ku un tim di beisbòl.

Despues di basta pensa nan a bin ku e idea di Wolf Pack.

## Wolf Pack dikon?

Pasobra si nos para ketu un ratu, ta mira hopi bia ku wòlfnan ta kana huntu den un grupo i sèmper nan ta uní ku otro.

Asina a disidí di purba ku Wolf Pack.

Banda di esaki tambe, e echo ku beisbòl tabata ketu, paralisá, nan a disidí tòg di bai hasi algu pa e muchanan, pasó hopi bia ta tende ku e muchanan ta riba kaya, no tin nada pa e muchanan hasi, anto asina nan a disidí di lanta esaki pa hasi algu pa e muchanan.

Nan a kuminsá na 2020

den stadion di Playa, tur djárasen i djabièrnè nan tabata bai trein un ratu.

Asina mas i mas hende a tende ku nan tin un ekipo, mayornan tabata aserká nan, pa kua nan a disidí di kuminsá ku esaki.

Na yùni 2021 nan a wòrdu aserká dor di e liga ku nan ta yama Pony League, puntrando ku Pony League por a kai huntu ku Wolf Pack pa organisá beisbòl di mucha na Boneiru.

Nan a kuminsá ku esei na yùni 2021 ku ta aña pasá, di kua por bisa i yama danki na Anne Marie i su tim di Fundashon Wega Number Boneiru, ku a sa di kere den nan.

Sigur sigur esei tabata un kampionato eksitoso.

Aki por papia di muchanan ku tabata di 4-5 aña te ku 16 aña.

Esei ta nifiká ku nan a akapará sigur sigur por lo menos un 60 mucha ku a partisipá den beisbòl den e

periodo ei.

Por a mira hopi entusiasmo den e muchanan pa ku beisbòl, teniendo kuenta ku promé ku e periodo ei, ya kaba beisbòl tabata ketu na Boneiru.

Nan a pensa ku esaki sigur ta algu pa e muchanan, teniendo kuenta ku diferente aspekto.

Nos sa ku na Boneiru te ainda no tabatin niun pelotero profeshonal ku a firma ku un ekipo di Liga Grandi.

Pero esei pa nan no ta e parti mas importante, nan a wak mas bien un mucha hungando beisbòl ku lo por haña un “scholarship”. Beisbòl ta siñabu hopi na karakter, ku den futuro sigur sigur lo por ta un persona ehemplar den komunidad di Boneiru, ku sigur sigur nos por wak aki algun aña, kon nos muchanan ta krese komo un habitante ehemplar den komunidad di Boneiru.

Despues di a pasa e periodo di e kampionato, nan a wòrdu aserká pa mesun Karibe Zone di Pony League, di kua nan a kere den nan pa nan organisá un Seri del Karibe.

Un Seri di Karibe bo ta hañabu ku diferente paisnan den Karibe ta bini huntu i ta organisá un torneo, di kua esun ku titulá kampion ta bai representá Karibe na Merka.

Pues apesar ku nos ta den un tempu difisil ku Covid19, tòg nan a sa di de-

mostrá ku nan ta serio, ku nan ta fuerte i ku e hendenan a sa di kere den nan.

Pasobra manera nos tur sa, tin hopi pais ku lo ke organisá un seri di Karibe, pero tòg nan a kere den nan, mirando kon nan a hasi tur kos, por a sigui nan online, nan a disidí di duna Boneiru un oportunidat pa organisá e Seri di Karibe.

Loke ta bai tuma lugá e aña aki na Boneiru.

Danki na tur ku a kere den Fundashon Wolf Pack i Pony League Boneiru.

**BròKèS 93.5 FM**  
Tono Positivo, Ritmo Dibertido

**STUDIO Telefon & WhatsApp**  
**+599 701 0935**

Maneho General;  
Djòni Leoneta +599 786 9091  
Maneho atministrativo;  
Ethel Leoneta +599 796 9133  
email; 93.5boneiru@gmail.com

Skueh'e  
Radio BròKèS 93.5 Boneiru

## Reflekshon di siman

### STIMA DIOS I MIRA E AKTUA

“I nos sa ku Dios ta hasi tur kos obra huntu pa bon pa esnan ku ta stima Dios, pa esnan ku ta yamá segun Su propósito.” Romanonan 8:28 (BS)

Situashonnan atverso ta inevitabel. Bo no mester buska nan, nan ta presentá riba e dia ku ménos nos a pensa i di e manera ku ménos nos a spera. Nan ta bini na diferente koló i tamaño. Nos promé reakshon ta, spanta, ansha i preokupá, loke ta masha normal.

Pero despues ku bo a bin bei, pensa riba e versíkulo di awe; Dios ta primintí ku tur kos lo obra huntu pa bon, pa esnan ku ta stima Dios.

Awe Dios ke dialogá asina aki ku bo:

Ta ken a krea bo? Ta ken a dirigí bo nasementu? No ta AMI ta Esun ku a krea bo? Señor Dios ta Mi nòmber. Bo por wak e panorama komplemento bo dilanti? Nò! Ta Ami ta Esun ku sa tur kos di bo. Mi ta e Dios ku ta hasi kosnan imposibel bira posibel! Mi ta stima bo, i ta interesá den bo bida. Mi tei presente ku bo, tur momento. Si djis lo bo buska Mi i papia ku Mi, lo bo sinti mi presensia. Na momento ku mi halsa Mi man drechi di hustisia, kosnan grandi ta sosodé pa esun ku tin FE den Mi. Sosegá den Mi Promesanan. Ami lo hasi esaki obra pa bon!

Miralda Paula-Frans

Kiko ta bo situashon atverso pa e siman akí?

Papia ku Dios tokante di esei.

Lo bo keda sorprendí kon E lo move i intervení na bo favor!

**Produkshon PGM**

**SAN ANTONIO, Abat**

**17 di Yanüari 2022**

**“... ta yega un dia ku lo kita e brùidehòm  
for di su amigunan, anto e ora ei  
e amigunan lo yuna.”  
(cf Marko 2,19)**

**Hesus, Sentro di fe kristian, superando lei  
religioso rígidu, ku tabata imponé un ayuno  
penintensial ta anunsiá un tempu di ayuno pa  
“su amigunan” fundá riba amor kristian.**

**Ayuno pa kreyentenan ta un instrumènt balioso,  
pa yuda nos dominá nos inklinashonnan natural.**

**E ta yuda nos fortifiká nos boluntat pa superá  
debilitatnan i renunsiá algun apego, p'asina  
fortifiká nos union ku nos Señor i Salbador,  
pa E kalma nos hamber spiritual.**



**Señor pèrmití mi ayuno,  
hasi mi krese den fe i amor kristian.**

1L 1 Sam 15,16-23; Salmo 50,8-9.16-17.21-23; Ev Marko 2,18-22



005999-522-4056



Un Snechii Pan



unsnechiipan










## Bo ta eksperensiá retraso den nos servisio?

Pa motibu di Corona nos no tin suficiente personal. Pero online nos ta keda operashonal, i ta hasi nos máksimo eksfuerso pa sirbi bo.

Tuma kontakto ku nos online, nos Customer Service ta atendé bo mas pronto posibel.

 ennia.com  
 +599 9 515 6642  
  enniafeelsecure  
 mail@ennia.com

Pa mas informashon bai: [ennia.com/covid](https://ennia.com/covid)

Nos diskulpa pa eventual retraso.  
Nos ta konta ku bo kompreshon.

**ennia**  
*Sintri bo sigur!*

[ennia.com](https://ennia.com) | [mail@ennia.com](mailto:mail@ennia.com) |  + 599 9515 6642

## RAYMARI B.V.

ta buska

### 3 timmerman

Mas inf. por yama

**782-0119**

## Meijer en Matias B.V.

ta buska

### 6 trahadó i 1 supervisor di limpieza

pa kas, apartamento, ofisina, skol i pòrch.

Pa inf. kontakt **Sanda E. Meijer-Matias De Leon**,

**Mobil: +(599)-782-1456 i e-mail:**

**meijer.matias@gmail.com**


## Sifranan COVID-19 | Boneiru


16/01/22

Positivo	Aktivo	Negativo
<b>+121</b> Total: 5217	<b>879</b> -10	<b>23060</b>
Di tèst	Fayesé	Den hospital na
<b>+249</b> Total: 28277	<b>26</b> +1	Boneiru: 5



Mas informashon:

 [Gobiernu di Boneiru](https://www.facebook.com/gobiernubonaire)

 [www.bonairecrisis.com](https://www.bonairecrisis.com)

Linha di informashon virus di corona:

**0800 0800**  
(gratis)

Esaki ta un mensahe di Entidat Públiko Boneiru



**Lenovo**  
8" TABLET **\$185**

**FIN DI**  
**AÑA**  
**EXTENDED**  
**TE KU 75% OFF\***



**SELECTED IPHONES**  
with up to

**20% OFF**



**S48C**  
**CATERPILLAR**  
**SMARTPHONE**

**\$595**



**SAMSUNG**  
**SMARTPHONES**  
STARTING FROM

**\$239**



Authorized  
Reseller

\*riba artikulo nan selektá

**City Shop**

Smart shopping ► Better living



Kaya International #36



[www.cityshopbonaire.com](https://www.cityshopbonaire.com)



City Shop Bonaire



+599 717.36.66



[info@cityshopbonaire.com](mailto:info@cityshopbonaire.com)



+599 700.64.42